

本科用

第一冊

師範學校
新教科書

歷史

商務印書館出版

商 務 印 書 館 出 版

中 外 教 育 史

周 煥 文 韓 定 生 譯 述 蔣 維 喬 校 訂

是書內容。分中國教育史外
國教育史兩部。於外國教育

洋裝
布面

史中。更分日本西
洋二部。均依上、中、
近、三世分述之。於

中外教育源流。敘述甚詳。至
中外各大教育家。更博采其
生平言行。縷述無遺。現今出
版之教育史。無有如此書之
詳備者。可供高等師範教科
書及師範學校參考之用。著

定價
一元

者身任教席多年。
故言之親切有味。
又經蔣君悉心校

訂。文筆亦明暢透達。絕無支
蔓。迥非率爾操觚者可比

五(92)

NORMAL SCHOOL SERIES

Chinese History

COMMERCIAL PRESS, LTD.

中華民國三年七月初版

(師範學校
新教科書) 歷史 四冊

(第一冊定價大洋陸角)

編纂者 丹徒趙玉森

校訂者 武進蔣維喬

發行者 商務印書館

印刷所 上海北河南路商務印書館

總發行所 上海棋盤街中市商務印書館

分售處 商務印書館分館

重慶漢口長沙安慶蕪湖南京
南昌杭州蘭谿福州廣州潮州

※此書有著作權翻印必究※

編輯大意

(一)是編按照教育部師範學校規程。『歷史要旨』在知歷史上重要事蹟。明於民族之進化。社會之變遷。邦國之盛衰。尤宜注意於政體之沿革。與民國建立之本。』用特依次編輯。區爲本國史外國史。各分二冊。

(二)本國史係供師範學校第一學年及第二學年第一學期之用。部章每週講授二時。是編搜集教材。務與額定時間。稿相配合。無太繁及過簡之虞。

(三)是編編次之順序。首列緒言。確定本國史之範圍及其觀念。而於疆域之沿革。民族之糅合。時代之遞嬗。特爲注意。次上古中古近古近古及現代。分期確定。各本國史之範圍及其觀念。因敘述各重要之事蹟。凡政治之得失。兵事之強弱。朝家之興亡。種族之盛衰。均列焉。其性質屬之政治史。又分期臚述文明進化之狀況。凡政制之因革。學術之消長。宗教之興替。風俗之優絀。社會之隆污。均列焉。其

性質屬之文化史。按照部定規程。『本國歷史宜授以歷代政治文化遞演之現象。』故是編特包有政治史、文化史之性質，爲之羅列而指陳。

(一) 是編以太古至晉爲上古，南北朝至元爲中古，明爲近古，清爲近世，中華民國爲現代。期與東西洋各國史之時期分割不甚懸遠，俾免將來講授外國史時，致以彼此分期之過差。學生之誤會引起講授上之困難。

(二) 師範人才係供將來教授小學之用，史事浩如烟海，頭緒紛繁，自非條理分明，教授難資得力。是編敘次清晰，每遇綱領節目之所在，尤爲鄭重，分明用以養成小學之歷史教師於將來實地施教之前途，諸多利便。

(三) 左圖右史，相因爲用。是編附列歷代之簡明輿圖，用資印證，並將關涉感情及學術之圖畫，擇尤採入，以博其趣。

(四) 地名人名，概用圓點，史眼所在，則用連圈，緊要處所，則用套圈，以醒眉目。其年曆，則用民國紀元推算，而列國表及統系表，均依次羅列，以便參稽。

本國史 卷上

第一篇 緒論	一
第一章 本國史概要	一
第二章 疆域之沿革	二
第三章 民族之糅合	三
第四章 時代之遞嬗	四
第二篇 上古史	四
第一章 上古史概要	四
第二章 史前之崖略	六
第三章 五帝始末	七
第四章 夏商始末	八

第一節	夏之興亡	八
第二節	商之興亡	一〇
第五章	周始末	一一
第一節	西周之世	一一
第二節	東周之世	一三
第六章	秦始皇末	一七
第七章	西漢始末	一九
第一節	楚漢之戰爭	一九
第二節	西漢之隆替	二〇
第八章	東漢始末	二二
第一節	新莽之覆滅及東漢之興	二二
第二節	東漢之隆替	二三
第九章	三國之鼎立	二六

第十章 晉始末……………二八

第一節 西晉之興替……………二八

第二節 東晉之興替……………二九

第三節 十六國之紛擾……………三一

第十一章 上古之政制……………三四

第十二章 上古之學術……………三八

第十三章 上古之宗教……………四二

第十四章 上古之風俗……………四三

第十五章 上古之社會……………四四

第三篇 中古史……………四七

第一章 中古史概要……………四七

第二章 南北朝之對峙……………四九

第一節 南朝之沿革……………四九

第二節 北朝之沿革……………五二

第三章 隋始末……………五四

第四章 唐始末……………五六

第一節 唐之初葉……………五六

第二節 唐之中葉……………五七

第三節 唐之末葉……………五九

第五章 五季之亂……………六一

第一節 五代之興亡……………六一

第二節 十國之興亡……………六三

第六章 北宋始末……………六五

第一節 宋興及遼夏之交涉……………六六

第二節 政黨紛紜及時局之變亂……………六七

第三節 金之崛起及遼與北宋之淪亡……………六九

第七章	南宋始末	七一
第一節	南宋偏安及金人之交涉	七一
第二節	蒙古之興及夏金之淪亡	七三
第三節	蒙古之兵威遠震及南宋淪亡	七四
第八章	元始末	七七
第一節	元之盛世及其亂源	七七
第二節	元之衰微及順帝北去	七八
第九章	中古之政制	八一
第十章	中古之學術	八四
第十一章	中古之宗教	八九
第十二章	中古之風俗	九一
第十四章	中古之社會	九二

本國史 卷上

第一篇 緒言

第一章 本國史概要

歷史學爲
研究人羣
進化之學
中國爲世
界文明祖
國之一

歷史家之
循環的觀
念退步的
觀念

歷史學爲研究人羣進化之學。我國有五千餘年之歷史爲世界文明祖國之一。顧自開國以來。訖於前清之中葉。率在閉關時代。此時代中我國爲亞東之中國。其視四方各民族。概以蠻夷戎狄等夷而鄙棄之。就中如兩漢之西通羅馬。蒙古之威震歐洲。明代之遣使西洋。清代之締聯俄約。似已登我國於世界舞臺之上。顧以通國國民心理。察之仍持一閉關主義。岸然以天朝自待。而視域外爲蠻荒。職是之故。我國文化進行之順序。大受影響。歷史家狃於一治一亂之成局。因而對於本國史之現象。常存一循環的觀念。甚且篤古非今。常存一退步的觀念。顯與人羣進化之公例相背而馳。世運洞開。無鬱不發。迨清中葉而後。泰西民族文明之實力。既已東漸。

中國由亞東十國進而為世界之中國

人羣進化的觀念

黃帝時國界漸定
秦疆域始廣
漢武再擴於南超三
擴於唐
元代地跨歐亞
民國領土居全世界

而不可復遏。於是我國遂由亞東之中國，進而為世界之中國。凡世界各國物質上之文明精神，上之文明無一不為我國所吸收，不及百年，遂使數千年沉淪專制政體之帝國，一變而為共和政體之民國。於是一般人士對於本國史之現象，無復循環的觀念，退步的觀念，而純然為人羣進化的觀念。本此觀念以治史，庶幾煥我文明祖國之光暉，而為異日世界大同之朕兆也。歟！是則國民之公職已。

第二章 疆域之沿革

我國最初之根據地，實在黃河兩岸。自黃帝畫野分州，東至海，南至江，西至空峒，山在甘肅高臺縣北至釜山，山在直隸保定而國界漸定。及秦并天下，西臨洮，甘肅岷縣而北沙漠，蒙古戈壁

東南皆臨大海，而疆域始廣。自是厥後，一擴於漢武帝之征略四方，再擴於班超之

服屬西域，天山南北路及葱嶺以西三擴於唐代之東平高麗，不天南部及朝鮮忠清道西收于

圖，新羅和闐疏勒，新羅疏勒龜茲，新羅庫車焉耆焉耆及元代崛起於蒙古地，跨歐亞兩洲，聲威之

盛震古鑠今。清時疆域雖不如元，而帕米爾高原，以東阿爾泰山以南之地，無不入

我版圖。民國因之，合二十二行省，內外蒙古、青海、西藏為完全領土，縱橫并計，居全

十分之一

世界陸地十分之一。泱泱乎洵亞東之大國也。

第三章 民族之糅合

四百餘兆
之偉大團

體
漢族

苗族

東胡族

蒙古族

突厥族

唐古忒族

中國民族本自帕米爾高原循崑崙山脈而東迤。經數千百年之遞推遞衍。因結而爲四百餘兆之偉大團體。若就其派別言之。則一曰漢族。初繁殖於黃河沿岸。漸蔓延於全國。黃帝以後。秦漢與唐最強。談東洋歷史者。恆謂此族實亞東文化之源泉。馬二曰苗族。初據中原之地。嗣居衡山名在湖南湘江名在湖南以南。唐虞之有苗。漢之南越及武陵蠻。唐之南詔。宋之大理。皆此族也。三曰東胡族。自朝鮮迤北。蔓延於黑龍江附近。上古爲肅慎。挹婁。秦漢間爲東胡。晉爲鮮卑。隋唐間爲靺鞨。唐末爲契丹。宋爲遼。金而滿清。世系亦與此同源。四曰蒙古族。初居貝加爾湖畔。漸繁殖於內外蒙古。宋之季世。元代由此族崛起。五曰突厥族。周以前之獯鬻。獫狁。漢代之匈奴。南北朝時代之柔然。隋唐間之突厥。唐代之回紇。皆屬之。六曰唐古忒族。卽今西藏之土人。殷周時曰氐羌。秦漢之際曰月氏。唐曰吐蕃。宋曰西夏。明曰烏斯藏。綜核諸族之淵源。以歷史上種種之關係證之。久已駢合而不可歧分。民國肇興。凡在民國範圍以

民國同胞
一律平等

內均屬同胞權利義務一律平等。繼今以往當無復此疆彼界之區劃矣。

第四章 時代之遞嬗

上古期
中古期
近古期
近世期
現代期
民國前為
君主專制
時代
現代為民
主立憲時
代

史事如海。自古訖今。其變遷之蹟至繁且賾。故治史之難。有如泛海於浩無涯涘之中。不得不立一假定之目標。以為進行之準。的歷史家之劃分時代。即史海中假定之目標也。茲劃本國史為五期。一自太古至東晉曰上古期。為漢族主持文化時代。二自南北朝至元曰中古期。為中國各民族競化時代。三有明一代曰近古期。為中國民族漸與世界各民族交通時代。四有清一代曰近世期。為中國民族吸收世界各民族文化時代。五入中華民國而後曰現代。期為中國民族與世界各民族競化時代。就中自上古期訖近世期。通行君主政體。可統稱為君主專制時代。現代廢除君主。改建民主。可定稱為民主立憲時代。

第一篇 上古期

第一章 上古史概要

漢族主持
上古期之

上古期歷史之主位端推漢族。漢族有主持中國文化之實力。凡接近於漢族所處。

文化
權輿
時代

文化
結合
時代

文化
昌明
時代

文化
推行
時代

之。地。域。者。無。一。不。受。漢。族。文。化。之。支。配。就。中。以。黃。帝。爲。文。化。權。輿。時。代。黃。帝。以。前。九。頭。五。龍。攝。提。合。籬。等。紀。之。傳。說。雖。不。盡。無。稽。要。以。進。化。程。序。核。之。究。不。外。一。種。初。民。之。神。話。迨。黃。帝。崛起。有。熊。新河南。於是。集。開。闢。以。來。羣。聖。之。大。成。而。一。新。制。作。神。州。赤。縣。非。復。混。沌。草。昧。之。舊。觀。是。爲。文。化。權。輿。時。代。次。則。以。洪。水。爲。文。化。結。合。時。代。黃。帝。畫。野。分。州。號。稱。萬。國。其。對。於。中。央。部。分。也。不。過。一。名。義。上。之。關。聯。實。則。君。國。子。民。各。地。多。自。爲。風。氣。又。以。生。事。簡。略。無。智。識。互。換。之。必。需。故。文。化。亦。因。而。濡。滯。迨。洪。水。汎。濫。九。州。萬。姓。不。得。不。奮。其。羣。策。羣。力。以。謀。公。共。之。安。寧。於。是。工。虞。水。火。禮。樂。刑。政。一。切。有。用。之。人。才。有。用。之。學。術。同。時。彙。集。於。諸。華。而。文。化。以。觀。摩。而。互。進。是。爲。文。化。結。合。時。代。次。則。以。有。周。爲。文。化。昌。明。時。代。洪。水。之。旣。平。也。夏。忠。商。質。各。爲。一。朝。風。氣。所。拘。周。室。代。興。姬。旦。以。制。作。之。才。振。興。庶。務。遂。集。黃。帝。以。來。羣。聖。之。大。成。加。以。春。秋。時。之。孔。老。楊。墨。戰。國。時。之。孟。荀。莊。韓。一。切。諸。子。百。家。之。挾。有。才。能。者。莫。不。爭。雄。競。長。以。應。時。勢。之。要。需。上。古。學。風。實。推。是。時。爲。極。盛。是。爲。文。化。昌。明。時。代。又。次。則。以。兩。漢。爲。文。化。推。行。時。代。自。漢。而。上。中。國。內。地。之。戎。蠻。等。族。多。數。混。合。於。漢。人。其。散。處。於。邊。徼。

文化激發時代

者。例爲中土所摺斥。迨及兩漢。東西南朔。領土擴張。玉門。關名在甘肅敦煌西境。旣啓大秦。今馬寶上國之縑輝雍。告成鬻序有匈奴之子。於是我國文明不獨爲同洲諸族所欽承。兼與泰西名邦相接觸。是爲文化推行時代。再次則以兩晉爲文化激發時代。漢代降胡。雜居邊徼。雖已漸受漢族之陶鎔。顧於內地文明。尙未親炙。自晉世遷移塞內。漸染華風。日新月異。第就表面觀之。當五胡亂起之時。一部分似不免破壞。而就內容察之。中原文物之鄉。吾先聖昔賢之所經營而締構者。無一不爲吾國之突厥東胡。唐古忒諸同胞所觀感而漸收同化之功。加以元帝東遷。化流南服。苗族同胞之受融化者。又必實繁有徒。文明之潛勢。實因風雲之激盪而愈益發。皇是爲文化激發時代。凡吾國民之治本期歷史者。可不追溯文化之淵源而思有以光大之乎。

第二章 史前之崖略

太古文字未興。故無流傳之信史。當時人民智識幼稚。一切現象。輒以爲有神主之。且其中一二傑出者。或故創神奇之說。以震炫耳目。輾轉相傳。誕妄滋甚。故歷史以前之時代。可名之神話時代。如盤古頭爲五岳。日爲日月之類。任昉述異記。其最著者也。

神話時代
盤古氏

天皇地皇
人皇

有巢
燧人

神農

軒轅氏立
史官為中
國有歷史
之始

黃帝

盤古而後。有所謂天皇地皇人皇者。其傳世皆極久長。而事迹則不可考。次為有巢

氏。教民巢居。次為燧人。氏教民熟食

伏義氏。作養犧牲以充庖廚。乃由漁

獵社會進。而為畜牧社會。其後凡傳

十四世。而神農氏代之。製耒耜以興

農事。乃由畜牧社會進。而為農稼社

會。其後凡傳七世。而軒轅氏代之。於

是文字大興。史官肇立。而先民事蹟


乃漸可徵。是為中國有歷史之始。

第三章 五帝始末

黃帝生於軒轅之邱。在今河南新鄉故曰軒

轅氏。國於有熊。會炎帝榆罔欲侵陵

諸侯。帝乃修德振兵。戰勝炎帝於阪




黃 帝 陵

定後世傳
子之局
羿泥之亂
少康中興

商湯放桀
於南巢

於益。子啓賢。爲諸侯所推戴。遂定後世傳子之局。子太康以逸豫滅厥德。敗於洛表。
洛水之旁有窮。國名在山東德縣后羿因民弗忍。拒於河。羿旋自立寒。國名在山東濰縣東北泥又殺而代
之。夏統中絕啓曾孫少康與舊臣靡共滅泥。復禹舊蹟。子杼繼立。夏道大興。七傳至
孔甲。夏道日衰。諸侯不朝。又三傳至癸。暴虐無道。寵妹喜。殺諫臣關龍逢。世號爲桀。
囚商湯於夏臺。在河南西已而釋之。湯乃率諸侯之師敗桀於鳴條。在山西安邑境因放之於
南巢。安徽巢縣夏凡四百三十九年而亡。民國前之三十六百七十八年也。

夏世系表



(十五) 皐	十一年	(十六) 發	十九年	(十七) 癸	五二年
--------	-----	--------	-----	--------	-----

第二節 商之興亡

湯相伊尹十一征

伊尹相業

雍已中興

祖乙中興

盤庚中興
改國號曰

般
武丁中興

紂

殷時三仁

周武王敗
紂於牧野

征誅之局

商湯者舜臣契之後用伊尹為相征葛山西南伐昆吾河南許昌十一征而諸侯咸服及歸自克夏諸侯推為天子都亳河南偃師國號商

太甲嗣湯行暴虐伊尹放之於桐在偃師西南終歸於亳修德勤政遂成令主四傳至雍

己不能綱紀庶政商道始衰太戊用伊陟為相大修湯政重譯而至者七十六國三

傳至河亶甲而復衰祖乙用巫賢為相諸侯賓服天下大和又五傳至陽甲諸弟子

爭立諸侯莫朝其弟盤庚因避河患遷都於殷即湯故都自湯至此凡五遷都改國號曰殷修德行

政諸侯來朝後復衰於小辛傳至武丁得甘盤傳說祖己諸賢以修政治又伐鬼方

黃州以弭外患遂成中興之業逮武乙遷都朝歌河南淇縣而殷遂不振自武乙三傳至帝

辛是為紂資辯敏捷性汰侈好酒色寵妲己酷刑辟殺比干囚箕子微子去之世所

稱為三仁也於是周武王大會諸侯與紂戰於牧野河南淇縣紂敗自焚死商凡六百

四十有四年而亡民國前之三千三十四年也商湯與周武均以弔民伐罪得天下

世稱征誅之局

商世系表

(一)成湯 三年

太丁——(二)太甲

三年

(三)沃丁 二九年

(四)太庚 二五年

(五)小甲 一七年
(六)雍己 一二年
(七)太戊 七五年

(八)仲丁 三年

(九)外壬 一五年

(十)河亶甲 九年

(十一)祖乙

九年

(十二)祖辛 一六年

(十四)祖丁 三二年

(十三)沃甲 二五年

(十五)南庚 二五年

(十六)陽甲 七年

(十七)盤庚 二九年

(十八)小辛 二八年

(十九)小乙 二八年

(二十)武丁 五九年

(二十一)祖庚 七年

(二十二)祖甲 三三年

(二十三)廩辛 六年
(二十四)庚丁 二一年

(二十五)武乙 四年

(二十六)太丁 三年

(二十七)帝乙 三七年

(二十八)帝辛 三三年

第五章 周始末

第一節 西周之世

周之先出自舜臣稷。文王修德行仁，伯夷、太公之屬咸歸焉。子武王代殷有天下，大

同武王大封諸侯

周公相業

封諸侯。以屏藩王室。都鎬京。陝西長安。成王年幼。周公旦攝政。平管蔡之亂。制禮作樂。與

召公共相王室。又營洛邑。河南洛陽。爲東都。以

居九鼎。康王亦能修祖業。四夷賓服。海內

晏然。故世稱治世。必推成康。成康之際。刑

措不用者。四十餘年。有唐帝堯。虞帝舜。之

風焉。康王卒。昭王立。王室始衰。諸侯漸恣。

王南征。渡漢水。溺死。穆王立。周遊天下。樂

而忘返。徐夷漸強。諸侯朝之者。三十六國。

王急東歸。討平之。又征犬戎。失諸侯之心。

自是荒服不至。穆王五傳。至厲王。暴虐無

道。國人謗王。王使人監之。萬民弗忍。流王

於疏。山西霍州。周召共和行政。十四年而王卒。

宣王嗣立。二相輔之。修政。命秦仲征西戎。

宣王中興

厲王流彘

穆王討徐夷征犬戎

成康治世



岐陽石鼓文

犬戎弑幽王

平王東遷

東周之世

春秋之世

十二國

吳越

霸者據左
右全國大

權桓
齊襄
宋襄
晉文

尹吉甫伐玁狁。方叔征荆蠻。召虎平淮夷。王又親征徐。戎於是復文武之境土。周室中興。子幽王寵褒姒。廢申后。后父申河南南陽侯召犬戎攻王。遂弑王於驪山陝西臨潼。下立平王。以西都逼近戎狄。乃東遷洛邑。自武王即位至此。凡三百五十二年。史稱西周之世。

第二節 東周之世

周既東遷。史稱東周之世。內分春秋戰國兩大期。

常平王之四十九年。實民國前二千六百三十三年。為孔子修春秋所託始。訖敬王之三十九年。實民國前二千三百九十二年。凡二百四十二年。是謂春秋之世。時王

室衰微。諸侯放恣。其與中國會盟者。有魯山東曲阜。衛河南汲縣。齊山東益都。晉山西臨汾。宋河南商邱。

鄭河南新鄭。陳河南淮陽。蔡河南新蔡。秦陝西鳳翔。楚湖北江陵。曹山東濟澤。燕直隸順天。十二國。若吳江蘇吳縣。越浙江紹興。僻

處一方。至春秋之末。始漸強大。而左右全國之大權。常操諸霸者之手。霸局創自齊。

桓。齊桓相管仲。勤修內政。外撫諸侯。凡為衣裳之會九。兵車之會四。宋襄繼之。顧為

楚所制。晉文敗楚師於城濮在山東濮縣南。合諸侯於踐土在河南濠澤南。後以國有賢臣。代執中夏。

秦繆
楚莊

吳闔閭

越句踐

戰國之世

四新建國

戰國七雄

七國形勢

秦孝公變
法

蘇秦合縱

牛耳。秦繆嘗與晉爭霸而不勝。僅霸西戎。楚莊觀兵周郊。問鼎輕重。有窺周之勢。又

敗晉於邲。邲在河南鄭縣東遂霸諸侯。數傳至昭王。為吳闔閭所破。吳威振於中國。闔閭子夫

差復敗於越。句踐在越會諸侯於徐州。在山東滕縣是為春秋霸局之崖。略自是而

後和戰紛紜。大局鼎沸。因激盪而成戰國之世。

戰國之初。威烈王封晉。卿韓。魏。趙。氏為諸侯。安王時。田和又篡齊。凡四新建國。與舊

有之。秦。楚。燕。共為戰國七雄。中以秦為最強。秦擅關中。關名在今河南靈寶南以東制

諸侯。楚擁江淮。以南東至海。西及巴。四川巴縣與黔中。貴州境疆域最廣。齊有山海之利。燕

據東北。趙據北方。惟韓。魏。局處中原。幅員差小。而當秦之衝。秦孝公相商鞅。定變法

之令。獎農戰。嚴刑罰。廢井田。開阡陌。更賦稅之制。行之十年。道不拾遺。山無盜賊。大

子致伯。秦日富強。六國大恐。聽蘇秦合縱策。以蘇為眾約。縱長。協力搢秦。顧未幾而

約解。後屢連兵攻秦。秦人開關東嚮。六國莫能抗。加以心志不齊。時相攻伐。往往授

秦以隙。而自弱其勢。雖有賢臣如四公子。齊孟嘗。魏信陵。趙平原。楚春申。之徒。良將如吳起。孫臏。樂

毅。廉頗。李牧之屬。而卒無救於滅亡。秦惠王初。用張儀策。令諸侯連衡以事秦。昭襄



周亡

六國亡
秦統一天
下

王復用范雎策遠交而近攻。屢破諸侯軍。時周室益微。赧王欲與諸侯共攻秦。秦取周地。旋遷東周君於陽人。在河南臨汝西周凡八百七十四年而亡。民國前之二千一百六十年也。秦昭襄數傳至秦王政。又用李斯策。陰遣辯士遊說諸侯。離間其君臣。而遣良將將兵隨其後。於是韓、趙、魏、楚、燕相繼滅。當趙滅時。趙公子嘉自立為代。直隸蔚縣至是亦見滅。並滅齊。秦遂統一天下。

周世系表

- (一) 武王發 七年
- (二) 成王誦 三七年
- (三) 康王釗 二六年
- (四) 昭王瑕 五一年



太子洩父(子四)桓王林 二三年
 (十五)莊王佗 一五年
 (十六)僖王胡齊 五年
 (十七)惠王闔 二五年

(十八)襄王鄭 三三年
 (十九)頃王壬臣 六年
 (二十)匡王班 六年
 (二十一)定王瑜 二一年
 (二十二)簡王夷 一四年


(二十三)靈王泄心 二七年
 (二十四)景王貴 二五年
 (二十五)悼王猛 不踰年
 (二十六)敬王匄 四四年
 (二十七)元王仁 七年

(二十八)貞定王介 二八年
 (二十九)哀王去疾 不踰年
 (三十)思王叔 不踰年
 (三十一)考王嵬 一五年
 (三十二)威烈王午 二四年
 (三十三)安王驕 二六年

(三十四)烈王喜 七年

(三十五)顯王扁 四八年
 (三十六)慎靚王定 六年
 (三十七)赧王延 五九年
 東周君 七年

東 周 列 國 興 亡 表



第六章 秦始皇末

秦自孝公變法。百餘年而有天下。秦主政并六國之年。實民國前二千一百三十二

秦王政自號始皇帝

統一之治

伐何奴築長城取南越

年。自號始皇帝。都咸陽。
咸陽用李斯言廢封建。

制郡縣。遂成統一之治。

又慮民間叛亂。收兵器。

以鑄金人。徙豪傑以實

咸陽。行封禪所至立石

頌德。信方士求神仙不

死。藥於海上。武功頗振。

遣蒙恬北伐何奴。築長

城五千餘里。又略取南

越。今兩廣及安南北部徙民五十



李斯書頌德碑

燔書坑儒

二世

陳勝胡廣
起兵

劉邦項籍
並起

趙高弒二
世

秦王子嬰
降劉邦

項籍自爲
西楚霸王

萬與越雜處。是爲秦代之殖民政策。時諸儒有非議時政者。始皇燔書坑儒。長子扶蘇諫。使監蒙恬軍。既卽帝位之十二年。東巡崩於沙邱。直隸平鄉東北李斯趙高矯詔賜扶蘇死。胡亥襲位爲秦二世。二世任趙高嚴法刻刑。誅戮宗室。秦民益離叛。思亂。戊卒陳勝胡廣起兵於蕪。安徽宿縣劉邦起於沛。江蘇沛縣項梁與籍起於吳。江蘇吳縣山東豪傑蜂起。二世讓李斯。斯恐。阿二世意。勸行督責。趙高恃勢多殺人。慮大臣奏之。因讒殺李斯。獨居中用事。會秦師屢敗。二世復讓趙高。高弒二世。立子嬰爲秦王子嬰。族誅高。會劉邦軍至霸上。陝西長安東子嬰遂降秦。凡十五年而亡。

秦世系表

- (一) 始皇政 二十二年
- (二) 二世胡亥 三年
- (三) 子嬰不踰年

第七章 西漢始末

第一節 楚漢之戰爭

劉邦既破秦。除秦苛法。而遣兵守函谷關。項籍踵至。大怒。攻破之。軍鴻門。坂名在陝西臨潼東欲擊邦。邦謝乃已。籍遂屠咸陽。殺子嬰。燒秦宮室。大掠而東。都彭城。江蘇銅山自爲西楚

封劉邦為漢王

楚漢鴻溝之約

漢追楚軍項王自刎漢王為漢高帝

漢高帝兼用封建郡縣之制

呂后臨朝文帝休養之功

霸王封劉邦為漢四川及陝西南部王而三分關中封秦降將以備漢其他諸侯王亦各受封釋兵就國會田榮自立為齊王舉兵叛楚漢王又用韓信為大將定三秦以諸侯兵伐楚入彭城項王令諸將擊齊自引精兵破漢軍漢王收兵與楚相持於滎陽河南成滎陽阜河南西北間而別遣韓信擊魏擊趙代擊齊彭越與漢犄角屢困楚兵絕其餉道楚勢漸蹙乃與漢約中分天下鴻溝在滎陽東南以西為漢鴻溝以東為楚約定項王解而東歸漢王從張良陳平策追擊楚軍會韓信彭越黥布之師圍項王於垓下安徽項王走烏江安徽和縣東北自刎死楚地悉定自秦亡至是凡五年史稱楚漢之世漢王遂即帝位是為漢高帝

第一節 西漢之隆替

高帝懲秦孤立兼用封建郡縣之制分封功臣及同姓諸侯性猜忌韓信彭越黥布等諸功臣先後被誅時匈奴強盛曾圍帝於白登山西大同用陳平計獲解因遣使結和親帝卒惠帝嗣惠帝卒太后呂氏臨朝滅劉氏王諸呂幽殺少帝呂后尋卒王陵陳平周勃輩舉兵滅諸呂迎立文帝帝秉性恭儉寬刑律獎農事府藏充實屢免田

景帝平七國之亂

租。當時民風質樸，重厚實。帝休養之功，惟諸侯漸恣。及景帝時，遂起七國之亂。帝遣周亞夫平之，漸奪諸侯權。武帝繼之，藩國日削。於是中央始有鞏固之政府。內亂不與，乃能合全力以對外。

武帝之功業

方高。帝之與匈奴相親也。歷惠帝、呂后、文景，諸朝匈奴以殺掠爲耕稼，屢寇不止。武帝思雪累世之恥，任趙廣漢、汲黯、衛青、霍去病、張騫、蘇武、司馬相如之屬，文武並進。內修政事，外攘四夷，聲教之盛，北窮大漠，西踰崑崙，然以連年征伐，信神仙，行封禪，侈宮室，國用不足。於是重斂，繁征，賣官贖罪，以孔、僅、桑、宏、羊等理財，以張湯、義縱等治獄。民怨沸騰，盜賊蠡起。及巫蠱獄起，皇后太子皆自殺。未幾，帝知其冤，乃作思子宮，又以民生益困，方士言無益，下罪己之詔。黜方士，止征役，輕賦稅。昭帝繼之，霍光輔政，舉賢良，問疾苦，賑貧乏，蠲田租，罷權酷官，減戶口錢，民得生息。帝卒，無子，霍光迎昌邑王賀立之。賀以荒淫被廢，改立宣帝。帝勵精圖治，信賞必罰。漢之吏治於斯爲盛。匈奴內附，漢威遠及西域諸國。今新疆及慈惟弘、恭、石、顯、久典樞要，后族許、史、並列崇階。啟後世宦官外戚專政之端。識者譏焉。元帝委政恭、顯，與許、史表裏爲奸。

宦帝吏治及武功

宦官外戚之專政

王莽篡漢

於是正士摧殘。奸邪競進。及成帝。任元舅王鳳。免石顯官。黜其黨。宦官乃失勢。政歸外戚。王音。王商。王根。王莽。相繼執政。莽為哀帝所罷。至平帝時。復用。旋弑帝而立孺子嬰。自稱攝皇帝。又稱假皇帝。劉崇。翟義。先後起兵討莽。皆不克。莽遂廢嬰。自即帝位。國號新。西漢自高帝至是。凡二百十年。民國前之一千九百四年也。

第八章 東漢始末

第一節 新莽之覆滅及東漢之興

王莽之亂政

莽既篡漢。欲復古制。亂政紛如。又盡廢漢諸侯王為民。及罷諸劉為吏者。莽恃府庫之富。欲立威四夷。乃更名匈奴單于曰降奴服于。改句町王為侯。於是四夷多叛。莽內失威信。外事攻伐。數年之間。民多流亡。為盜賊。而以綠林。山名在湖北當陽縣境赤眉。朱其

為平林。湖北隨縣等為最強。莽發兵擊之。多不利。會漢宗室劉縯及弟秀起兵春陵。湖北襄陽

羣盜多屬之。乃共立劉玄為帝。改元更始。莽遣王尋。王邑大發州郡兵急擊之。劉秀

劉秀為帝之捷

迎戰於昆陽。河南葉縣東北大破莽軍。漢軍勢益盛。於是隗囂。公孫述等皆起兵應漢。莽不知所出。遣諸將迎戰。皆敗。漢軍遂入長安。殺莽。傳首詣更始。自莽篡漢。至是。凡十

漢軍殺莽

劉秀即帝位為東漢光武帝

光武之功業

光武之政治

永平之政
外戚宦官之禍

和帝與鄭衆誅竇憲

五年天下紛紛人民困於苛政久思漢室更始不善統御嘗以猜忌殺劉續初都宛南陽後都洛陽復遷都長安劉秀徇河北據邯鄲直隸邯鄲擊降銅馬諸賊遂下河內泌陽又北徇燕趙行至鄴直隸高邑即帝位是為東漢光武帝定都洛陽時新莽滅後之二年也即民國前一千八百八十七年

第一節 東漢之隆替

光武即位未幾更始為赤眉所破帝遣馮異等破赤眉遂略定河北關中地時寇盜竊據所在多有隗囂公孫述為最強帝知人善任十年之間先後削平於是收諸將兵權令各以列侯就第終帝之世僅遣馬援一征交趾今安南不復有用兵之事而惟察吏以安民興學以育才故時多循吏而東都儒學稱盛又敬禮處士嚴光獎勵節義之士明帝繼之臨雍講藝臨獄理囚永平之政上儉文景章帝力行寬大輕徭薄賦與天下休息亦號賢君匈奴西域慕義款附及和帝立而外戚宦官之禍乃起先是光武鑿西漢之禍裁抑外家宦官之職出納帝命不令干政迨和帝以沖齡踐阼竇太后臨朝遂開外戚亂政之端既而和帝與宦者鄭衆謀誅竇憲更啓宦官用

五侯

東漢黨禍

袁紹盡誅宦官

權臣之禍

董卓遷獻帝於長安

獻帝還洛陽

漢末羣雄形勢

事之漸。自是歷殤安順。沖質諸帝。以迄於桓靈。外戚宦官迭為起滅。宦官勢為尤盛。桓帝之世。五侯單超徐璜具瑗左棺唐衡五人皆以宦官封列侯時稱五侯肆虐。時士夫敦尚名節。評論時政。疾

宦官如仇讎。而以李膺杜密等為之首。宦者乃遣人上書。謂膺等為朋黨。誹謗朝廷。使者四出。窮捕黨人。將加誅戮。以辭連宦官子弟。宦官懼。乃白帝赦之。禁錮終身。及

靈帝立。陳蕃竇武同心輔政。而造謀不善。反為宦者所乘。曹節王甫等復治鉤黨。流毒縉紳。死徙廢禁。不可悉數。是為東漢黨禍。自是而後。叛亂四起。不可收拾矣。靈帝

卒。子辯立。為少帝。何太后臨朝。袁紹與何進謀誅宦官。因召董卓於河東。使將兵詣京師。事洩。進為張讓段珪等所殺。袁紹乃勒兵捕誅宦者。皆殺之。已而董卓至。廢少

帝。立獻帝。自是漢廷宦官之禍終。而權臣之禍始。山東州郡兵起。以討卓為名。推袁紹為盟主。卓擁帝遷長安。暴虐益甚。為其下呂布所殺。卓黨李傕郭汜率兵入長安。

長安大亂。董卓承等奉帝還洛陽。先是帝之西遷。關東諸將務相兼并。袁紹領冀青幽并四州。直隸山東山西一帶曹操領兗豫二州。山東河南一帶袁術領揚州。江蘇浙江安徽一帶劉表領荆

州。湖北湖南一帶劉備呂布領徐州。江蘇北境一帶公孫度據遼東。天孫策起壽春。安徽壽縣一帶連陷江東

曹操遷獻
帝於許

孫權

赤壁之役

曹不篡漢
爲魏文帝

各地江蘇安徽此外據州郡雄一方者尙多曹操乘隙拓地其勢日強獻帝既還洛陽操遷之於許河南挾以重迭次用兵戰無不利呂布袁術袁紹劉表等皆先後破滅惟孫權岫強於江東劉備馳驅於江表大破操師於赤壁湖北操引軍北還未幾自稱魏王操卒子不遂篡漢稱帝是爲魏文帝東漢凡一百九十六年而亡時民國前一千六百九十二年也

西漢世系表

(一)高帝邦

八年——(二)惠帝盈七年

呂后攝位八年

——(三)文帝恆二十三年

——(四)景帝啓六年

——(五)武帝徹五十四年

——戾太子據

——(六)昭帝弗陵一三年

——史皇孫進——(七)宣帝詢

二十五年——(八)元帝奭

一六年——(九)成帝騫二十六年

——定陶王康——(十)哀帝欣六年

——中山王興——(十一)平帝衍五年

——楚孝王囂——廣戚侯勳——廣戚侯顯——(十二)孺子嬰三年

東漢世系表

(一) 光武帝秀 景帝之裔三二年 (二) 明帝莊 一八年 (三) 章帝烜 一三年

(四) 和帝肇 七年 (五) 殤帝隆 一年

清河王慶 (六) 安帝祐 九年 (七) 順帝保 九年 (八) 冲帝炳 年

千乘王伉 樂安王寵 渤海王鴻 (九) 質帝續 一年

河間王開 蠡吾侯翼 (十) 桓帝志 二年

解濟亭侯淑 (十一) 同棖 (十二) 靈帝宏 二年 (十三) 少帝辯 不踰年

(十四) 獻帝協 三年

第九章 三國之鼎立

三國形勢

自曹氏稱帝於中原，蜀據漢中，吳據江東，亦先後稱帝。是為三國。魏地最廣亦最強。吳地較隘而有江漢之險，擁荆揚之饒，蜀地雖小而沃野千里，天府之土，且蜀山險阻，重關易守，以故相持數十年，成三國鼎足之勢。分述如左。

魏之興亡

司馬炎篡魏為晉武帝

帝

蜀之興亡

昭烈帝

諸葛亮相業

魏滅蜀

吳之興亡

大帝

晉滅吳

魏之始祖為曹操。及文帝篡漢。嘗一舉伐吳。無功而返。明帝嗣立。崇飾土木。耽情聲色。及臨卒。以子芳囑司馬懿。曹爽共輔政。懿旋殺爽。殘魏宗室。芳無如何。懿子師遂廢芳而立髦。師弟昭復弑髦而立奐。無何蜀地平。昭子炎遂受魏禪。是為晉武帝。魏凡四十六年而亡。

蜀之始祖為劉備。好交結豪俠。有諸葛亮為之謀。趙雲關羽張飛等為之將。得荆益兩川及漢中之地南陝西。成偏安之局。已而即帝位於漢中。是為昭烈帝。時荊州為孫權所得。關羽見殺。昭烈乃自將伐吳。為吳陸遜所破。未幾卒。諸葛亮受遺詔輔後主。聯吳以敵魏。先征孟獲。絕後顧憂。而後進圖中原。以蜀地險遠。兵糧不繼。出師多無功。亮卒。宦官黃皓用事。操弄威柄。魏遣鄧艾等伐蜀。艾襲成都。後主降。蜀凡四十三年而亡。

吳之始祖為孫堅。堅嘗討董卓有功。子策據江東。地險民附。策弟權繼父兄之業。任周瑜魯肅呂蒙陸遜等諸名將。後稱帝。是為吳大帝。數傳至孫皓。好事殺戮。民不堪命。時晉已滅蜀。篡魏。遣杜預王濬等大舉伐吳。江東州郡望風奔潰。皓出石頭。在城名

天下復統

江蘇

降。吳凡五十一年而亡。於是天下復統。時民國前一千六百三十二年也。

魏世系表

(一)文帝丕 七年 (二)明帝叡 十三年 (三)帝芳 十四年

東海王霖 (四)帝髦 六年

燕王宇 (五)帝奐 六年

蜀世系表

(一)昭烈帝備 漢景帝之裔三年 (二)後主禪 四十年

吳世系表 按大帝二十四年 即帝亮之元年

(一)大帝權 二十四年 (二)帝亮 五年

(三)景帝休 六年

太子和 (四)帝皓 十七年

第十章 晉始末

第一節 西晉之興替

武帝之失策

賈后之橫暴

八王之亂

五胡之亂

東晉元帝

東晉國勢

武帝既平吳。懲曹魏孤立而亡。乃大封宗室。出鎮四方。又見漢季州牧擅權。寔成割據之局。乃裁州兵。二者均爲胎亂之本。加以晚年荒怠。后黨專恣。晉室之禍。遂不可解。子惠帝又愚暗。受制賈后。后殺輔政楊駿。徵汝南王亮輔政。既而以亮不便於己。使楚王瑋殺亮。又殺瑋。橫暴益甚。廢殺太子。適弑楊太后。時趙王倫在京師。與齊王閏謀。共率兵入宮廢后。倫自爲相國。尊稱帝於是在閏。及成都王穎。河間王顥。長沙王又。東海王越。先後舉兵。互相攻伐。是爲八王之亂。惠帝爲諸王所左右。無可自主。及其末年。諸王殘殺殆盡。內亂漸平。而外患又作。五胡競起。擾攘中原。以劉淵爲之首。國號漢。屢出兵攻晉。及劉聰嗣位。遣石勒。劉曜等進逼洛陽。時懷帝在位。詔徵天下兵入援。然無應者。洛陽陷。漢兵挾帝北去。尋弑之。愍帝復卽位於長安。未幾降於劉曜。史稱武惠懷愍四世爲西晉。凡五十二年而亡。

第二節 東晉之興替

愍帝既降於劉曜。瑯琊王睿卽位。建康江蘇江寧是爲東晉元帝。時海內分裂。北方如漢趙燕秦涼成諸國。先後崛起。東晉僅撫有南方之地。國勢頗蹙。王敦蘇峻等先後謀

桓溫伐漢

平劉

謝安相業

淝水之捷

桓玄竄立

劉裕討桓

玄

劉裕篡東

晉為宋武

帝

亂。陶侃、溫嶠諸名將戮力對內。未遑外討。迨桓溫柄國。伐漢成漢。入洛。修陵。晉威始稍振。溫旋見敗於燕。威名頓挫。後以謀篡不成而卒。時孝武在位。謝安輔政。務舉大綱。所任謝玄、謝石。才能稱職。遂敗苻秦於淝水安徽壽縣東。安欲乘勝恢復中原。為會稽王、道子所搆。出鎮廣陵江蘇江都。未竟所志。晉遂不振。道子旋為桓玄所殺。玄、桓溫之子也。舉兵入建康。迫孝武子安帝禪位。彭城江蘇銅山人劉裕。山京口江蘇丹徒起兵討玄。玄為其下所殺。帝復位。以劉裕總朝政。裕陰謀代晉。殺晉宗室。以散衣縊帝。恭帝繼之。未幾。禪位於劉裕。是為宋武帝。東晉凡一百四年而亡。時民國前一千四百九十二年也。

晉世系表

按 廢帝六年即文帝之元年

晉四 (一) 武帝炎 二五年

(二) 懷帝熾 六年

(三) 惠帝衷 一七年

吳王晏 (四) 愍帝業 四年

東晉(一)元帝睿

武帝從姪六年

(二)明帝紹 三年

(三)成帝衍 一七年

(六)哀帝丕 四年

(七)廢帝奕 六年

(四)康帝岳 二年

(五)穆帝聃 一七年

(十)安帝德宗 二年

(八)簡文帝昱 二年

(九)孝武帝昌明 二四年

(十二)恭帝德文 二年

第三節 十六國之紛擾

自漢魏以降，戎狄來降者多，雜居內地，徒黨既衆，漸生邊釁。晉初，郭欽、江統皆倡從戎之議，而議寢不行。及八王之亂，中原多故，下逮東晉，偏安江左，河北關中，疊爲胡騎所蹂躪。突厥族則有若匈奴、若羯、東胡族則有若鮮卑、唐古、貳族則有若氐、若羌，是爲五胡。五胡建國，凡十三，合之漢族所建之前涼、西涼、北燕，共爲十六國。就中以澠水之戰爲樞紐，茲先述澠水戰前之諸國。

劉淵匈奴之建國爲漢也。同時有李雄氐據成都四川，國號成，後號漢，是爲成漢。同爲

前趙

後趙

冉魏

前燕

前秦

苻堅併有諸國

漢水戰後之諸國

後燕 後秦 西秦 後魏

當時割據之國。劉淵有雄略。屢寇晉師。多失利。淵死。內亂相繼。迨劉曜遂改號曰趙。是為前趙。石勒羯木劉氏。舊將與曜。不睦。別建國曰趙。是為後趙。并前趙地而有之。勒死。國衰。冉閔盡殺石氏。改國號曰魏。時前燕盛強。前燕之興始於慕容廆。東胡略與劉淵同時。至慕容皝。稱燕王。嘗破後趙及高麗之師。子雋稱帝。擊滅冉魏。會前秦苻健氐據有關中。大修國政。苻堅嗣立。得王猛為輔。舉異才。修廢職。課農商。立學校。秦民大悅。內治既修。乃勒外略。滅燕涼。前涼 後魏張氏代先世。方是時。成漢已為晉所併。其地復山晉入秦。中國北部完全屬秦。版圖東夷西戎之人貢者。凡六十餘國。欲遂混一字內。乃大舉寇晉。及灑水之敗。狼狽奔還。國遂分裂。形勢大變。茲更述灑水戰後之諸國。

苻堅之敗也。慕容垂據中山。直隸 定縣為後燕。慕容冲據阿房。陝西 咸陽為西燕。姚萇羌據北地。陝西 耀縣為後秦。乞伏國仁鮮卑據苑川。甘肅 金縣為西秦。苻堅為慕容垂所攻。出奔五將山。在陝西 岐山 東北為姚萇所害。堅子丕。因稱帝于晉陽。山西 太原傳檄四方。欲討後燕。及後秦會西燕。慕容永將東歸。假道于丕。丕不許。為永所敗。南奔東垣。在河南 新安謀襲洛陽。見

南燕
北燕
後涼
南涼
北涼

大夏

南北朝

殺于晉。丕族子登在南安。甘肅聞丕死，稱帝。與後秦屢開釁，爲姚萇子興所殺。登子崇又走湟中。甘肅而稱帝，未幾卽見滅。于西秦前秦亡，西燕亦爲慕容垂所亡。垂與後魏拓跋氏嘗構釁，遇疾道卒。子寶立，後魏大舉圍中山。寶奔龍城。在直隸安衛卒大亂，攻陷龍城。寶復出奔，爲其臣蘭汗所誘殺。慕容盛固殺蘭汗而自立。時慕容德已據滑臺。河南汲縣爲南燕，盛旋遇弒。凡兩傳馮跋，遂代後燕而自立。爲北燕。南燕隨見滅於劉裕。方是時中原雲擾，以西方爲尤甚。其先後擁地自立者，後涼則呂光，據涼州。甘肅武威南涼則秃髮烏孤。西據西平。甘肅北涼則沮渠蒙遜。匈奴據張掖。甘肅西涼則李嵩，據敦煌。甘肅顧傳國皆不永。後涼亡於後秦，南涼亡於西秦，然後秦不久亦爲劉裕所亡。而西涼復亡於北涼。會大夏赫連勃勃匈奴據長安，勢頗盛。勃勃卒而遠衰。子昌爲後魏所執，昌弟定滅西秦，旋與北燕、北涼同爲後魏所合併。是爲淝水戰後諸國之概略。於是中國南部盡歸宋，北部盡歸後魏。自是而後，乞於隋初南北並峙，史稱南北朝。

附五胡十六國興亡表

衰多關涉於侯邦之叛服。變局滋多。馴至有周春秋之諸霸。戰國之七雄。紛紜擾攘。封建之弊於斯爲極。於是始皇本集權主義。廢封建爲郡縣。遂開我國統一之局。西漢西晉鑒於秦魏之孤立而速亡。懲羹吹壘。雜封建郡縣之制而兼行之。均以招亂而速禍。則我國國情之宜於統一而不宜於分治。其鐵證已。

黃帝立六相以治民。置左右大監以監萬國。肇建規模。唐虞稽古。建官惟百。內設百揆。后稷司徒士共工。虞秩宗典樂。納言外設四岳十二牧。夏有公卿大夫元士。殷有二相六太五官六府六工。周置二相及六卿。又置三公三孤。以待有德。一切規制均因時代之變遷而益加縝密。則人事日繁爲之也。秦代事不師古。內以丞相總百揆。以御史大夫武相。以太尉掌兵。外區天下爲三十六郡。郡置守丞尉。守治民。丞佐之。尉典兵而監之。以御史郡轄若干縣。縣置令長。其制率爲後世所師。而名稱屢易。西漢以丞相御史大夫太尉爲三公。後易丞相爲大司徒。御史大夫爲大司空。太尉爲大司馬。東漢以尙書秉政。權出三公之上。然不常置。晉置尙書中書門下三省。分掌樞機。至餘外官略如秦舊。惟東漢末年之州牧權勢幾與中央相抗。儼如古代之諸

田賦

選舉

侯。遂爲羣雄割據之禍。本亦我國治宜統一之特徵也。

黃帝經土設井。立步制畝。爲井田所自始。三代承之。夏之貢。商之助。周之徹。皆十而取一。秦廢井田。計畝定賦。遂致收入倍前。地力之不可不盡。蓋如此。漢初十五稅一。景帝時至三十稅一。然且以府藏充實。屢免田稅。良由節儉之效。武帝征役繁興。歲入不足。於是石日賦有權酷。有鹽鐵之賦。有均輸之制。有緡錢之算。桑羊弘孔僅之徒。遂爲後世理財者所宗。新莽欲復井田。轉滋紛擾。光武中興。規復漢舊。管井田遺意。立男女占田及王公田宅之限制。用杜并兼。厥法至美。惜乎五胡。傲據未久。卽廢封建。時代權操貴族。選舉制不甚發達。周時雖有選士。俊士。造士。進士之名。終爲用途所限。銓敘無多。戰國時變。既殷。人才輩出。乃闢布衣將相之局。惟類由特進。選法無徵。西漢有賢良方正。孝弟力田。孝廉博士弟子之舉。均由朝廷隨時特行。東漢有明經有道之目。徵辟所加。遂躋朝列。不復簡試。流弊孔多。後乃改行察舉。魏置州郡中正。區別人物。分爲九品。晉代因之。而門閥之風。轉盛。上品無寒門。下品無世族。爲時詬病。

成均之制。始於五帝。夏商及周規模大備。天子辟雍。諸侯泮宮。均爲國學。黨庠州序。所在林立。秦以愚黔首爲政策。教育之道蕩然無存。漢武始興太學。又令州郡各立學校。學風漸振。東漢之世。辟雍講射。白虎談經。太學生徒多至數萬。可謂盛已。晉有太學及國子學。嗣經劉石之亂。概歸毀棄。東遷而後。老莊方盛。雖有復建太學之舉。迄未振興。

黃帝以師兵爲營衛。武功最盛。夏殷兵制不詳。周因井田而制軍賦。寓兵於農。天子六軍。大國三軍。次國二軍。小國一軍。組織完密。至春秋而此制漸紊。諸侯各以伸張兵力爲先務。戰國尤甚。秦以客民任耕。秦民任戰。兵農漸分。爲後世募兵所自起。始皇於三十六郡各置材官。邊郡徵發輒數十萬。不足則繼以發謫。及於閩左。大亂遂起。漢初置材官於郡國。南北軍於京師。兵由徵集。武帝置八校以習知胡越人充之。兵由招募。昭宣以後募及奔命。惡少刑徒。軍制大壞。東漢隨時隨地分置營兵。訓練每苦不精。至其晚年。州牧各擁兵以自重。遂致三分。晉以同姓侯王握兵柄。肇八王之亂。又罷州郡兵。盜賊猝起不能禦。遂爲五胡所乘。

刑法

唐虞以墨劓荆宮大辟爲五刑。又有流贖鞭扑之制。周代承之。而其制加詳。穆王作呂刑。哀敬慈祥。深得古者制刑之本意。戰國之世。君權益張。刑網遂密。秦有三族七族十族連坐之法。有腰斬車裂鑿顛抽脅諸刑。楚有滅家之法。有冥室橫棺之刑。齊有烹刑。趙有夷刑。大抵由人君逞臆爲之。爲三代所無。始皇既平六國。專任刑罰。遂以速亡。漢初約法三章。爲秦民所悅。嗣以三章之法不足禦姦。乃命蕭何攬摭秦法。作律九章。迨及文帝廢除肉刑。墨劓爲刑。宮劓爲刑。法上一大進化。晉代嘗議復肉刑而不果。又減梟斬族誅從坐等條。益臻進步。

第十一章 上古之學術

伏羲畫八卦爲文字胚胎。倉頡觀鳥獸之迹始象形而制字。其初字數頗少。後以孳乳而寔多有指事。如人在一上爲上。人在一下爲下。會意。如止戈爲武。諧聲。如江從工聲。轉注。如考

類左右相轉以爲言。假借。如令長之類。六書始備。

字體

最初文字。糾繞蟠屈。頭大尾小。有若蝌蚪。故謂之蝌蚪文。周史籀始作大篆。一曰籀文。秦李斯更作小篆。程邈更作隸書。王次仲遂以隸法作楷書。日趨簡易。漢史遊又

記載之具

儒家

道家

墨家

經學及清

談

楊家

法家

名家

農家

兵家

縱橫家

雜家

解散隸體。創作草書。東漢劉德昇作行書。自是楷行草三體爲我國通行之書。篆隸之屬。遂與蔡邕之飛白。蔡文姬之八分。通供美術文字之用。伏羲初以木刻字。黃帝易以刀書。虞舜造筆。始以漆書於方簡。亦有書於木或書於縑帛者。硯則作於仲由。墨則作於邢夷。紙則作於蔡倫。東周以後。士夫極思想。言論。箸作之自由。爲我國學術最昌明時代。儒家爲北方思想之代表。務實際。切人事。重名分。尙躬行。創自孔子。道家爲南方思想之代表。崇虛無。齊物。我平階級。明自然。創自老子。兩家南北並峙。成極端之反對。蓋其地理之影響。民族之精神。使然。稍後於儒道。而崛起成一家言者。則爲墨家之祖。墨翟主張兼愛。蓋出入於孔老。而兼採兩家之所長也。此三派者。鼎峙於春秋戰國之世。而儒盛于兩漢。爲經學所自出。道盛于魏晉。爲清談所自出。墨以受孟子之排擊。傳者甚微。與墨並稱者。有楊家之祖楊朱。主張爲我。亦見排於孟子。此外則法家名家農家兵家縱橫家雜家陰陽家等。各有發明。自漢武表彰儒術。後概受屏黜。頗爲學術進化學上之一大阻力。

文學

羣經諸子之著述。不獨義指特殊。卽文章亦各臻優美。爲後世文學源泉。春秋之左氏。與兩漢之馬遷司馬。班固。均以史學兼文學餘。若司馬相如。揚雄。張衡。蔡邕。之倫。皆

詞林之秀。後此則魏之曹植。吳質。晉之張華。陸雲。爭雄競爽。各擅勝場。

天文學

天文之學。發明最早。自伏羲時。已作甲曆。其後容成。作蓋天。配干支以紀日。羲和治曆象。置閏法以定時。厥後夏有昆吾。殷有巫咸。周有史佚。皆以是學名家。西漢張衡。製渾天儀。及候風地動儀。晉虞喜。又悟出歲差。頗能爲是學特闢蹊徑。

算術

黃帝命隸首作算數。爲算術所自始。周代有周髀算經。與隸首之九章算法。均爲我國最初之算書。

醫學

神農嘗草木。作方書。而醫道始立。及周有疾醫。有瘍醫。分治內外科。其後以醫名家者。和緩。扁鵲。爲著。扁鵲之術。能見五臟癥結。又能割皮解肌。訣脈結筋等事。蓋於全體學及解剖學。均有發明。東漢華佗。能破腹治病。洗腸縫腹。雅與扁鵲相近。惜其術不傳。通常所傳。則有黃帝之內經。素問。張機之傷寒論。金匱方。爲後世醫家所取則。

美術之首先發明者曰音樂。伏羲造琴瑟。黃帝作律呂。爲音樂權輿。自是歷代均有樂。而周爲最備。周以後古樂寔衰。漢立樂府。通西域。後復有胡樂之靡入。蓋時會使然。其次於音樂而發達者。則有繪畫。古之時。畫異名而同體。後乃以漸分離。至周公相成王。圖列古事於明堂。而繪畫之用大著。漢代相傳有武梁石室畫像。頗爲博古家所珍。然繪者未著。至魏晉間。顧愷之戴逵輩。始以畫名家。而同時以書法名家者。又有鍾繇及王羲之。



武梁石室畫像

父子。

第十三章 上古之宗教

人類肇生之初。必有相傳之神話。故最初時代。必爲神話時代。我國哲學之發達。最先脫離神話時代之迷信。亦最早。周秦以來。雖有鬼神術數之分流。方士神仙之曼衍。然不足支配全社會之心理。故不成爲宗教。其由後起及外來之輸入者。在上古期內。計分二教。卽道教與佛教是也。

道教

道教之起源。最爲複雜。大約根本於古初之鬼神術數及繼起之方士神仙。又揉合漢儒之讖緯緣飾。遞衍歷久而後成。其初張角唱太平道。張陵唱五斗米道。皆詭托於老子。而陵遂爲道教之祖。東晉葛洪著抱朴子。王符作老子化胡經。亦道家之著者。

佛教

佛祖釋迦牟尼。本印度國王。子感印度階級制度之懸殊。人類不平等之痛苦。乃主張衆生平等之說。創立佛教。風被全印。波及中亞。其傳入中國。約當西域溝通時代。若漢武帝破匈奴。得金人。相傳卽佛像新莽時有景憲爲月氏。阿富汗使者。嘗受口授之。

佛經皆其證也。東漢明帝時蔡愔等自西域求佛經歸帝命洛陽建白馬寺使西域二僧迦葉摩訶衍法摘譯佛經是爲中國設立佛寺翻譯佛經之始。魏晉士夫崇尚清談雖原本於老莊周佛說亦同時而漸盛中國人漸依佛戒剃髮爲僧而月氏沙門竺法護天竺度即印沙門鳩摩羅什之大譯經典流播中土尤爲佛教功臣及長安僧法顯後秦人印度中國僧乃漸有西行之迹

第十四章 上古之風俗

人民之氣質各隨時尚爲轉移夏之忠殷之質周之文其較著者也。秦以力爭經營天下一反周代尙文之習故其人民慄慄敢死一夫大呼亂者四起漢初遊俠之風甚盛歷景武兩朝所以摧抑遊俠者無不至於是其風漸微至新莽時而廉恥道喪矣。光武中興首崇節義明章之世禮樂彬彬其不仕者既遠引孤鶩高尙其志其仕者亦危言深論不隱豪強錮之獄節俠之士甘死如糜東漢士氣於斯爲盛魏自曹操擢挫士氣獎進無賴秦漢風俗至此大變兩晉之世清談大盛上焉者放達爲高不問國事下焉者趨附炎勢惟利是尙中經五胡之喪亂人民益懷厭世之想而

人民階級

民氣亦日趨於昏惰。

古初階級頗嚴。舜禹之受禪。湯武之易代。以及卿相之登庸。例由名族。伊尹傅說起匹夫而大用。蓋屬創舉。至周益重世祿。王朝之公卿及諸侯之執政。概屬世家。又分人民爲士農工商。各世其業。春秋而後。列國需才。人各淬厲。以供時用。階級始廢。迨魏晉以九品官人。矜尙門閥。階級之制復爲政俗上之一大障礙。

婚姻

古初行多妻之制。迄於後世。未能革除。尤爲弊俗。惟周重世族。娶妻每尙姬姜。至漢以匹夫有天下。所娶皇后。往往不諱微賤。如武帝之衛后。成帝之趙后。是也。則以階級消除故也。魏晉復重門閥。於是平民士族。不相通婚。大爲時病。

喪葬

我國家族倫理之觀念。最爲發達。對於喪葬典禮。尤所注重。古代更有殉葬之風。入後漸息。墨子曾提倡薄葬。其說無大影響。至晉之郭璞。以堪輿術著聞。墓地風水之說。寔行於世。仗先人骸骨爲生人祈福之原。亦惑之不可解者已。


第十五章 上古之社會

社會之事業


我國自神農以來。卽爲人然之農業社會。迨周代有因地施糞之法。於土壤學肥料

殷周時代器物


周鼎



殷鼎




周瓶



周敦



周卣



學均有發明。漢時趙過又創爲牛耕以代人力。古代係兩人並耕，謂之耦耕。益徵進步。

太古爲石器時代。工作甚艱。黃帝後爲銅器時代。百品漸備。殷人上匠有土工石工。

金工木工獸工草工之設。周以司空理工政。有攻木攻金攻皮埴埴等工。而鐵器漆

品亦同時利用。及漢以鹽鐵籌國用。我國遂進而爲鐵器時代。

日中爲市。肇自神農。至周又有司市之設。商業漸興。漢代豪商鉅賈勢埒王侯。西域

交趾印度等處均漸通貿易。而中國織素復以間接輸入。大秦東漢晚年大秦之象

牙瑇瑁亦來中國。遂爲中西物產互換之濫觴。

古代以實物交換。後乃用易中之品而有貨幣。周立九府圜法。秦以黃金爲上幣。銅

錢爲下幣。漢代略同。武帝造皮幣。開中國紙幣之先聲。

伏羲作布神農有不織之令。計當時已漸革衣皮之俗。至黃帝時肇治蠶絲。於是冕

旒衣裳漸臻完備。嗣是歷代相承。皆原本其制而增損之。以應時尚。惟戰國時之趙

武靈王曾以戰爭上之便利改用胡服。

火食始於燧人。穀食始於神農。其來甚久。茶亦發明於神農。而夙沙氏之鹽。儀狄之

農

工

商

貨幣

社會之生活
衣服

飲食

居住

通商之交通
舟車

各大民族
遞衍史局

酒以次漸備。嗣是若伊尹之割烹易牙之知味。皆食品進化之確證。

黃帝作宮室以避寒暑。至夏時已有峻宇雕牆之戒。可知建築術之漸工。厥後若桀之璇室紂之鹿臺。秦之阿房。漢之建章。魏之銅雀。皆窮極壯麗。於建築上時放異彩。太古生事較簡。隣邑相望。人民至老死不相往來。其交通之阻滯。可想厥後生事漸繁。黃帝又旁行天下。無有寧居。乃命共鼓。化狐。剡木為舟。剡木為楫。以濟不通。邑夷作車。以行四方。於是交通漸便。漢代有樓船。用為戰品。晉王濬製樓船。以平吳。每舟至容二千餘人。以木為城。其上可馳馬往來。是舟之以高大勝者。又顧榮解舫為單。綱。一日夜行五六百里。是舟之以速率勝者。均足為交通事業增價值焉。

第三篇 中古史

第一章 中古史概要

中古期歷史之史局。為吾國各大民族所遞演。我國民族之同出一源。核以歷代史書之鐵證。良無畛域之可分。惟既標有各族之名稱。則任何一族。必有其一族之特能。天賦人權。一律平等。既各具有一族之特能。必使發揮而光大之。以灌輸於全族。

漢族與東胡族分演史局時代
漢族獨演史局時代
漢宜與突厥族東胡族唐古忒族蒙古族分演史局時代

乃能使全國民族之聲威赫然表現於世界。自秦以來，若兩漢時代之匈奴，兩晉時代之五胡，業已崢嶸各露其頭角。惟是能力薄弱，匈奴既不競于前，即乘機假擾之。五胡似奮風雲而大起，而建設之力不足，補其破壞之功。莽莽雄實，未脫草昧時期之性質。職是之故，雖以出類拔萃之苻堅，佐以情投義合之王猛，仍以正統歸偏安之東晉，而不以予秦。秦王猛立言之心理，以測爾時通國人民之心理，其於中國民族，主漢族而客他族，無疑。其於中國歷史之史局，亦必主漢族而客他族，無疑。迨至晉運告終，南北對峙，各立主位，以圖並進，遂為漢族與東胡族分演史局時代。此時代中，東胡族既吸收漢族文化之特能，而力求同化漢族，亦接觸東胡族勇武之特能，而務揚武力。吾國民族，因受第一度之融合。隋唐嗣興，國威遐播，為漢族獨演史局時代。此時代中，漢族以其天賦之特能，幟幟各展，而發育之。吾國民族，因受第二度之融合。五季糾紛，匯諸有宋。北遼西夏，鼎立於前。女真蒙古，代興於後。為漢族與突厥族、東胡族、唐古忒族、蒙古族分演史局時代。此時代中，彙各族之特能，風起雲湧，各放異彩，於競爭劇烈之舞臺。吾國民族，因受第三度之融合。元代統一區宇。

震盪歐亞爲蒙古族獨演史局時代。此時代中不特域內各族之特能有鎔鑄一爐之作用。卽世界各族之特能亦有團聚一堂之朕兆。吾國民族因受第四度之融合。經以上種種之融合。無論何族除秉有其本族之特能外。莫不含有其他各族之特能。而同胞手足之恩情。乃愈密切而愈不能割捨。此則國民之治本期歷史者所當卽本期九百餘年已演之史局。而以同心進化之實力益思所以演進之也。

第二章 南北朝之對峙

第一節 南朝之沿革

南朝之局。開自宋武帝武功甚盛。子少帝以童騃被廢。文帝嗣立。元嘉文帝年號之政。號稱治世。旋與魏開釁。喪師失地。元嘉政衰。子劭弑。帝孝武帝誅劭。自立。性猜忌。繼宗室。戮諫臣。廢帝嗣之。以殘暴遇弑。羣臣擁立明帝。時宋勢日弱。淮北地盡入魏。後廢帝及順帝復相繼被廢。蕭道成受禪。卽位。是爲齊高帝。宋凡六十二年而亡。

齊高帝既代宋。崇節儉。定民籍。恤病因。武帝繼之。爲政持大體。郡縣皆久於其職。故永明武帝年號之治。百姓豐樂。內外晏然。臨卒委政蕭鸞。鸞迭弑兩帝而自立。是爲明帝。

齊亡

高武子孫殲滅殆盡廢帝嗣之以無道為蕭衍所廢衍旋受和帝禪而即位是為梁

武帝齊凡二十三年而亡

梁武帝既代齊於郡國立學校詔舉茂才孝廉初政頗舉旋以崇信佛教入寺捨身

遂無心政事時魏分東魏西魏帝納東魏叛臣侯景降復與東魏和景遂反陷臺城

亂 梁侯景之

江蘇省治帝憂憤而卒簡文帝嗣立為景所弑景旋自立稱漢帝元帝遣兵逼石頭

景走死帝即位江陵湖北會北齊代東魏蠶食江淮西魏復并吞巴蜀梁之疆域局

蹙江南及西魏來寇帝出降帝兄子譽原受西魏封為梁王至是遂稱帝於江陵是

為後梁而梁將王僧辯陳霸先等別奉敬帝於建康霸先旋篡梁自立是為陳武帝

後梁 梁亡 後梁亡

梁凡五十六年而亡後梁凡三十三年亦為隋所滅

陳武帝之即位也正值北周代西魏之時奉身儉約為政寬簡頗稱令主三傳至宣

帝乘北齊之衰取江北數郡已而俱沒於北周及後主嗣位隋代北周滅後梁聲勢

正盛後主日與江總孔範等為淫樂恃長江天塹不為深備隋軍入建康擒後主陳

凡三十三年而亡由是中國復統一時民國前一千三百二十三年也

陳後主淫 樂 陳亡

南朝世系表

——(二)少帝營陽王義符二年

宋(一)武帝裕二年

——(三)文帝義隆三年

——(四)孝武帝駿一年
——(五)廢帝子業不踰年

——(六)明帝彧八年
——(七)後廢帝昱五年

——桂楊王休範——(八)順帝準三年

——始安王道生——(五)明帝鸞五年

——(六)廢帝寶卷二年

——(七)和帝寶融二年

齊(一)高帝道成四年

——(二)武帝頤二年
——長懋

——(三)廢帝昭業不踰年

——(四)廢帝昭文不踰年

——太子統——(一)宣帝啓七年
——(二)明帝歸二年
——(三)後主琮二年

梁(一)武帝衍四年

——(二)簡文帝綱二年

——(三)元帝繹四年
——(四)敬帝方智二年

陳(一)武帝霸先三年

始興王道譚

(二)文帝蒨(七年)廢帝臨海王伯宗二年

(四)宣帝頊(四年)後主叔寶七年

第二節 北朝之沿革

北朝

魏孝文之改革

鮮卑外同化中國

北朝之局開自後魏。道武帝二傳至太武帝。鷲勇善用兵。除并有中國北部外。又破

柔然。例奴別種據全內外蒙古高句麗、波斯等國皆入貢。武烈赫然。三傳至孝文帝。儉約寬慈。慕

先聖之政。均民田。立學校。以平城。魏故都。在山西大同僻陋。遷都洛陽。改原姓拓跋爲元。與漢

族通婚。禁胡服。胡語。鮮卑族之同化中國。帝功居多。子宣武帝。佞佛。不修國政。魏業

始衰。孝明帝以幼年嗣位。胡太后臨朝。嬖倖用事。內亂踵起。帝爲太后所仇殺。爾朱

榮舉兵至洛陽。擁立孝莊帝。殺太后以下二千餘人。榮陰懷異圖。帝伏兵殺榮。榮族

人復舉兵弑帝。於是高歡討滅爾朱氏。節閔帝原爲爾朱氏所立。歡因廢之。而別立

孝武帝。帝謀伐歡。歡起兵。反帝走長安。西依宇文泰。歡更立孝靜帝於洛陽。魏於是

魏分東西

始分東西。東魏爲高歡子洋所篡。是爲北齊。文宣帝西魏爲宇文泰子覺所篡。是爲

東魏亡
西魏亡

北齊後主
之驕縱

北齊亡

北周武帝
之政略

北周亡

北周·孝·愍·帝·魏·凡·一·百·四·十·九·年·而·分·分·以·後·東·魏·歷·十·七·年·西·魏·歷·二·十·三·年·而·亡。

北·齊·文·宣·帝·初·政·清·明·又·善·用·兵·所·向·克·捷·後·自·矜·功·業·營·宮·室·縱·酒·色·多·殺·戮·四·傳·至·後·主·驕·縱·無·忌·國·政·大·亂·為·北·周·所·破·與·幼·主·同·見·殺·北·齊·凡·二·十·九·年·而·亡·北·周·孝·愍·帝·受·制·於·從·兄·護·護·弒·帝·及·明·帝·武·帝·立·始·誅·護·尊·儒·術·崇·節·儉·撫·士·以·恩·用·法·以·斷·數·年·之·間·遂·平·齊·上·盡·有·關·東·之·地·兩·傳·至·靜·帝·為·楊·堅·所·篡·是·為·隋·高·祖·北·周·凡·二·十·四·年·而·亡。

北朝世系表 按西魏廢帝二年
年即恭帝之九年

魏 (一) 道武帝珽 在位二十三年 (二) 明元帝嗣 五年 (三) 太武帝燾 八年 景穆太子晃

(四) 文成帝浹 四年 (五) 獻文帝弘 五年 (六) 孝文帝宏 二十九年 (七) 宣武帝恪 十六年

(八) 孝明帝詡 二年 (九) 孝莊帝子攸 三年

廣陵王羽 (十) 節閔帝恭 二年 廣平王懷 (十一) 孝武帝修 三年

— 京兆王愉 — 魏 — 文帝寶炬 — 七年

— 廢帝欽 — 三年
— 恭帝廓 — 四年

— 清河王懌 — 清河王亶 — 魏 — 孝靜帝善見 — 七年

北齊 (一) 文宣帝洋 — 一〇年 (二) 廢帝殷 — 不踰年

(三) 孝昭帝演 — 二年

(四) 武成帝湛 — 五年 (五) 後主緯 — 二年 (六) 幼主恆 — 不踰年

北周 (一) 孝愍帝覺 — 不踰年

(二) 明帝毓 — 四年

(三) 武帝邕 — 一八年 (四) 宣帝贇 — 不踰年 (五) 靜帝劼 — 二年

第三章 隋始末

隋文帝之混

隋文帝都定大興。咸陽先和突厥。地在以絕北顧憂。次滅後梁。終乃滅陳。南北分裂垂三百年。至是混一。帝用楊素高穎共掌朝政。輕徭薄賦。戶口漸滋。誤廢太子勇而立廣。廣旋弑。帝而自立。是為煬帝。帝承富庶之後。乃營東都。洛陽築西苑。築長城。

開運河。巡幸四方。極遊觀之盛。又慕漢武帝所為。屢勤遠略。於是突厥來朝。西域入貢。南定林邑。南境在安南東伐流求。今日本沖繩縣日本亦以是時來修好。會高麗寇邊。大發兵擊之。帝親至遼東。督諸將進戰。大敗而還。自是天下騷動。百姓多相聚為亂。豪傑蜂起。李密據洛陽。河南洛陽縣翟翳魏公寶建德據樂壽。直隸獻縣稱長樂王。林士弘據鄱陽。江西鄱陽縣稱楚帝。薛舉據天水。甘肅天水稱秦帝。李軌據武威。甘肅武威稱涼帝。蕭銑據巴陵。湖南巴陵稱梁帝。劉武周據馬邑。山西馬邑稱定楊可汗。梁師都據朔方。陝西榆林稱梁帝。杜伏威據歷陽。安徽和縣稱總管。而李淵亦起兵於太原。山西太原淵得突厥援。子世民又神武蓋世。遂入長安。時帝在江都。淵乃遙尊為太上皇。而立恭帝侑。未幾。上皇為宇文化及所弑。淵受恭帝禪。是為唐。高祖東都留守官。更立恭帝侗。旋遇弑。隋凡三十九年而亡。時民國前一千二百九十三年也。

隋世系表

按恭帝侑之元年為煬帝之十四年

(一)文帝堅十四年

(二)煬帝廣十四年

元德太子昭

(三)恭帝侑二年

(四)恭帝侗二年

第四章 唐始末

第一節 唐之初葉

唐高祖既代隋定都長安時隋末羣雄紛紛竊據而繼起者又有宇文文化及之為許

帝王世充之為鄭帝高開道之稱燕王劉黑闥

之稱漢東王徐圓朗之稱魯王沈法興之稱梁

王李子通之稱吳帝朱粲之稱楚王郭子和之

稱永樂王唐初號令迨不及河南關東賴世民

之力六年之間次第削平海內復見一統之治

旋受內禪是為太宗去奢侈輕賦徭寬刑辟整

武備任名臣房玄齡杜如晦魏徵王珪李靖李

勳之屬一代政制皆定於是時世稱貞觀之治又揚威域外先服東突厥地在蒙古四夷

君長詣闕請降聲威之盛軼秦駕漢高宗嗣之西平西突厥地包俄嶺東西東下高麗百濟

服新羅今朝鮮兵威頗振既而拜武昭儀為后后乘帝疾參決政事稱曰天

唐太宗削平羣雄

貞觀之治及其武功



唐太宗

武后之禍
武后稱帝
改唐爲周

張柬之反
周爲唐
事后之禍

玄宗開元
之治

安祿山反

后帝不能制。及卒。中宗立。武后更立睿宗。廢中宗爲廬陵王。安置房州。湖北房縣於是諸武用事。殺唐宗室殆盡。后因改國號曰周。稱則天皇帝。而以睿宗爲皇嗣。后富權略能用豪傑。狄仁傑、魏元忠、婁師德、姚崇等均在朝內政。粗安四夷畏服。其後皇嗣遜位。更立中宗爲太子。而后以髻年倦勤。嬖人張易之、張昌宗頗用事。朝政大紊。同平章事張柬之乃乘后疾起兵討亂。誅易之、昌宗等。中宗復位。改國號爲唐。韋后復預政。與武后姪三思通構殺張柬之。尋又弑帝而立溫王重茂。臨淄王隆基起兵討韋后。并其黨。皆伏誅。睿宗卽位。以降基爲太子。旋內禪是爲玄宗。

第三節 唐之中葉

玄宗之初及位也。勵精圖治。一時賢相姚崇、宋璟、韓休、張九齡之屬先後繼起。賦役平均。閭閻足給。世稱開元。玄宗前中之治。已而九齡罷相。帝在位日久。改元天寶。頗倦政事。相李林甫狡黠柔佞。善伺帝旨。養成亂階。帝又奪壽王瑊之妃楊氏以爲貴妃。楊氏一族多列貴顯。又信任蕃將安祿山。使兼領平盧。直隸盧龍范陽。直隸順天河東。山西三鎮。祿山結貴妃李林甫爲內援。及林甫歿。貴妃從兄楊國忠繼相。祿山舉兵反。逕

天寶之亂

下洛陽。尋道長安。是為天寶之亂。帝倉皇出走。將西奔成都。四川次馬嵬。在陝西將

士憤怒。殺楊國忠。帝賜貴妃死。諸軍乃進。時父老。遮道請留。帝命太子亨慰諭之。太

子遂入靈武。甘肅即帝位。是為肅宗。遙尋帝為上皇。天帝乃與李泌謀遣使回紇。回時

突厥地有得其援兵。張巡許遠以死力捍江淮。郭子儀李光弼等諸名將收復長安。會

賊中內亂。祿山子慶緒殺祿山賊將史思明。慶緒思明又為子朝義所殺。賊勢大

衰。上皇肅宗相繼卒。代宗請援回紇。與諸道兵共討賊。賊將李懷仙斬朝義降。祿山

之亂。至是始平。而唐室藩鎮之禍。遂相因而起。先是玄宗置節度使於邊鎮。祿山亂

後。內地亦置之。各擁數州政。由自主。鮮受朝命。歷代宗德宗順宗三朝。專事姑息。遂

殺節度者。命知留後。權知留後者。旋為節度。以故藩鎮益驕。紀綱大壞。叛亂數起。憲

宗英武。始用杜黃裳議。裁抑諸鎮。乃使裴度等討平四川。四川成都成德。直隸淮西。河南

諸叛鎮。凡藩鎮跋扈六十餘年。百黃河南北。至是盡遵朝廷約束。而帝意漸侈。喜進

奉信宦官。好神仙。迎佛骨。服金丹。求長生。以躁怒。故為宦官陳弘志所弑。由是宦官

跋扈。與藩鎮相結。迄於唐亡。

祿山亂起

代德順三

朝姑息養

亂憲宗裁抑

宦官跋扈

宦官之禍

朋黨之爭

宣宗大中之政

黃巢之亂

唐亡

第三節 唐之末葉

憲宗之被弑也。宦官因共立穆宗。敗遊無度。再失河朔。至敬宗。復爲宦官所弑。文宗誅陳弘志。王守澄等。天下快心。帝因欲盡誅宦官。與鄭注。李訓等謀之。爲宦官仇士良等所覺。因率衆爲亂。京邑震驚。公卿流血。於是天下事咸決於北司。宰相行文書而已。而其時更有朋黨之爭。李德裕與李宗閔。牛僧孺互相軋鑠。出入內閣。此起彼仆。及武宗之世。德裕嘗討平昭義。山西長治威懾強藩。相業頗著。顧修復舊怨。貶僧孺。流宗閔。及宣宗之世。德裕亦以貶死。黨爭稍止。而宦官之勢益盛。宣宗明察沈斷。節儉愛民。大中之政。人思詠之。謂爲小太宗。然藩鎮跋扈於外。宦官專橫於內。帝無如何。懿宗以降。奢侈日甚。賦斂愈急。中官擅權。四方盜起。僖宗初。王仙芝起山東。黃巢應之。仙芝敗死。巢勢轉盛。由山東連陷各地。至江南嶺南一帶。今贛皖浙閩兩廣等省復折而北。犯東都。陷長安。自稱大齊皇帝。僖宗走蜀。沙陀突厥種部長李克用入援。復長安。巢走死。巢降將朱溫。賜名全忠。與克用有隙。會僖宗卒。昭宗立。聽全忠言。討克用。及爲克用所敗。又詔復克用官爵。益啓藩鎮輕視之心。其後復引全忠兵誅宦者。宦者誅而

五季之亂

全忠益恣刼帝遷洛陽旋弑之而立昭宣帝迫以禪位是爲後梁太祖唐凡二百九十年而亡時民國前一千五年也自是以往朝家迭更羣雄紛擾世稱五季之亂

唐世系表

按中宗二十七年即睿宗元年睿宗二十六年即順宗三年即玄宗元年玄宗十六年即昭宗四年即睿宗元年

(一)高祖淵 九年

(二)太宗世民 二十二年

(三)高宗治 三十四年

(四)中宗哲 二十七年
內武后二年

(五)睿宗旦 三年

(六)玄宗隆基 四十五年

(七)肅宗亨 七年

(八)代宗豫 十七年

(九)德宗适 二十六年

(十)順宗誦 不踰年

(十一)憲宗純 五年

(十二)穆宗恆 四年

(十三)敬宗湛 二年

(十四)文宗昂 一四年

(十五)武宗炎 六年

(十六)宣宗忱 一三年

(十七)懿宗漼 一四年

(十八)僖宗儼 一五年

(十九)昭宗傑 一六年

(二十)昭宣帝祝 四年

第五章 五季之亂

第一節 五代之興亡

五代

後梁時代
之羣雄

後梁亡

後唐莊宗
之失政

自唐之亡迄於宋興天下分崩羣雄並起其立國於中原遞嬗而下者有梁唐晉漢周五朝史稱其時曰五代又以其時當叔季一稱五季

後梁太祖之代唐也羣雄正紛紛割據前蜀王建首稱帝晉王李克用岐王李茂貞吳王楊行密存唐正朔與梁爲敵吳越王錢鏐燕王劉守恭楚王馬殷閩王王審知南海王劉隱渤海王高季興均受梁冊封諸國中以晉爲最強屢破梁軍太祖旋爲子友珪所弑末帝討友珪而自立竇官鬻爵朝政日紊時李存勗已稱帝國號唐是爲後唐莊宗長驅入大梁梁都今河南省治末帝自剄死後梁凡十七年而亡

莊宗滅梁都洛陽旋滅蜀志意浸驕日事盤遊以宦者爲監軍任伶人爲刺史又信讒言殺郭崇韜及諸宿將藩鎮多怨望會鄴郡河南臨漳亂遣李嗣源討之嗣源原爲

李克用養子衆推以爲主向大梁莊宗爲伶人郭從謙所弑嗣源因卽位是爲明宗
明宗弊政國內粗安尋卒閔帝立明宗養子從珂自鳳翔陝西鳳翔舉兵入洛陽弑帝

後唐亡

自立是為廢帝。故與河東山西節度使石敬瑭不相善。至是敬瑭自危。請援於契丹。

陷洛陽。廢帝自焚死。敬瑭即帝位。是為後晉。高祖後唐凡十三年而亡。

後晉高祖之招邊患

後晉高祖藉契丹兵力以立國。以臣禮事契丹。賂以幽薊十六州。幽薊瀛莫涿檀順新媯儒武寧懷實

明帝在今直隸山西北境

自是中。國邊患歷數百年不絕。高祖實為之禍。首出帝嗣立。事契丹不

後晉亡

如前。契丹入寇。自將擊破之。遂玩寇事奢侈。任小人契丹大舉入大梁。執出帝北去。

後晉凡十一年而亡。

後晉之亡也。劉知遠鎮河東。因奉表稱臣於契丹。未幾稱帝於晉陽。山西國號漢。是

為後漢。高祖隱帝嗣位。河山中水李守貞鳳翔王景崇長安趙思綰共舉兵。時稱三

後漢隱帝多戮大臣

叛。未幾皆平。帝多戮大臣將及鄴都。留守郭威威反。帝為亂軍所弑。軍士裂黃旗被

後漢亡

威體。威即帝位。是為後周。太祖後漢凡四年而亡。

後周太祖之即位也。隱帝叔父劉崇在河東。亦稱帝。是為北漢。屢引契丹入寇。均擊

卻。世宗繼立。北漢復乘喪合契丹。內犯。帝自將禦之。敗其師於高平。山西帝英毅為

五代第一令主。精選士卒。南收江淮。西克秦階。甘肅天水北平關南。瓦橋關貝南後

後周世宗
肇統之
基

後周亡

部之
五季紛紜干戈四擾自是遂肇統一之基恭帝繼立會北漢契丹又入寇遣歸
德河南節度使趙匡胤禦之行次陳橋驛在河南開封北將士以主幼國危共擁匡胤還汴
卽帝位是爲宋太祖後周凡十年而亡時民國前九百六十五年也

五代世系表

按唐莊宗四年卽明宗元年
閔帝元年卽廢帝元年

梁(一)太祖溫更名六年

(二)末帝瑱二年

唐(一)莊宗存勗四年

(二)明宗嗣源八年

(三)閔帝從厚二年
(四)廢帝從珂二年

晉(一)高祖敬瑭八年

(二)出帝重貴三年

漢(一)高祖知遠更名二年

(二)隱帝承祐二年

周(一)太祖威四年

(二)世宗榮五年

(三)恭帝宗訓一年

第二節 十國之興亡

五代更迭之交吳南唐前蜀後蜀南漢北漢楚閩吳越荆南前後並起割據區域謂

十國

吳

南唐

前蜀

後蜀
南漢

北漢

楚

閩

吳越

荆南

之十國。吳自楊行密據揚州。受唐封為吳王。其境東濱海。北據淮南。距震澤江蘇太湖

西至沔口即今湖北漢口。迨楊溥始稱帝。旋為其將李昇所篡。國號南唐。昇子璟南滅閩。西

攻楚。版圖益廓。欲遂北掠。後周屢與契丹北漢。後蜀通使。世宗先發。盡取其淮南地。

璟子煜。尋貶國號曰江南。為宋曹彬所滅。前蜀王建據西川。唐封為蜀王。後梁篡唐。

建亦稱帝。子衍耽酒色。任宦官為後。唐莊宗所滅。莊宗因以孟祥鎮西川。封蜀王。

尋稱帝。是為後蜀。子昶驕奢無度。為宋王全斌所滅。南漢劉隱據南海廣東治。後梁封

為南海王。弟龔稱漢帝。暗殺戮置蛇牢水獄。以穿臣民為弟晟。所殺後為宋潘美所

滅。北漢劉崇於後漢滅時。據太原稱帝。三傳至繼元。迎降於宋。太宗楚王馬殷據湖

南。歷受梁唐封。五傳至希崇。縱酒虐戾。併於南唐。閩王審知據福建。後梁封為閩王。


二傳至延鈞。稱帝。後亦併於南唐。吳越錢鏐據浙江。唐時以討黃巢功封越王。繼封

吳王。後梁封吳越王。四傳至弘俶。舉國歸宋。荆南高季興據荊州湖北江陵。後唐封為南

平王。其後亦納牌印降於宋。

除右詳各國外。尚有李氏之岐。劉氏之燕。及周氏之湖南。皆割據一方。不與十國之

列岐燕俱見滅於後晉。湖南則見滅於宋。合表如左。



第六章 北宋始末

第一節 宋興及遼夏之交涉

宋太祖政

宋遼交涉

遼之起原

宋遼和約

宋太祖既受禪。用趙普謀。罷諸功臣節鎮。收諸州兵政財政。使皆直隸於朝廷。自唐室安史亂後。中國病藩鎮之禍者垂二百年。至是始革四方僭國以次削平。及太宗

遂奏統一之業。顧是時契丹方強。而宋遼之交涉以

起。



宋太祖

先是契丹有耶律阿保機者。於後梁時稱帝。遼太祖

臨潢。內蒙古巴林旗東北又東侵室韋。地當今黑龍江吉林南

略晉鄙。山西西略吐谷渾。時據內蒙古党項。時據青海

諸部復東降渤海。國名在東三省及朝鮮北部子德光。遼太祖又

得幽薊於後晉。國勢益強。改號遼。五傳至耶律賢宗。與宋通好。及太宗攻北漢。和

好中絕。太宗既滅北漢。乘勝圍幽州。大敗而還。自是遼宋屢構兵。眞宗卽位。遼又入

寇。兵至澶州。直隸開縣中外震駭。寇準請帝親征。渡河次澶州北城。將士踴躍呼萬歲聲

聞數十里。遼人奪氣。因請盟約爲兄弟國。由宋歲納銀絹於遼。於是北氛始略靖。而

宋夏交涉

夏之起原

宋夏之交涉又起

西夏故爲党項之後。唐末以討黃巢功。賜姓李氏。子孫世據夏州。陝西榆林數傳至繼捧。率衆歸宋。其族弟繼遷叛降遼。遼封爲夏王。宋賜繼捧姓名趙保忠。使招繼遷。繼遷請降。賜姓名趙保吉。未幾復叛。保忠亦附遼。旋被執。保吉反覆無常。尋卒。子德明立。遼封爲西平王。德明款宋。宋亦封爲西平王。由是朝貢不絕。及仁宗時。德明子元昊有雄略。盡取河西地。據有十八州。今陝西北境及內蒙山西南部興慶。今蘭州稱帝國號夏。仁宗用韓琦、范仲淹當邊任。元昊屢歲騷擾。卒不得逞。後以用兵日久。彼此均厭苦。元昊上書請和。帝封以爲夏王。令稱臣。而歲賜銀絹以糜之。於是西氣始略靖。

第二節 政黨紛紜及時局之變亂

宋自太祖重用儒士。累世多賢臣。仁宗朝爲尤盛。而互分黨派。一以韓琦、范仲淹當彌歐陽。修爲之首。一以呂夷簡、夏竦、王拱辰爲之首。出入內閣。此起彼仆。先後二十年。一時朋黨之論沸於朝野。世稱慶曆。仁宗年號黨議。范仲淹嘗定磨勘法。以澄吏治。立學校以培人才。又欲復隋唐府兵以維軍政。惜在朝不久。未竟所志。嗣是歷英宗至

慶曆黨議
范仲淹之
改革

宋夏和約

王安石之改革

神宗銳意圖治。乃重用王安石。青苗春間貸錢於民及秋還官命出息二分免役計民之貧富市易凡

之可市及滯於民而不售者平其價市之若保甲出保丁保之保馬凡

市於官者則度其財產為抵當而貸之錢保甲凡上供之物得徒費就賤以近易遠預知

保甲願養馬者家方田分地肥瘠以均輸在京倉庫所當辦者得具便宜蓄買而制

給一匹或二匹其有諸法紛然並興時上下習於成法憚變更多稱不便司馬光蘇軾之徒皆以駁

新法罷職於是朝野分新舊兩黨互相傾軋安石為新黨黨魁求治過急既不得舊

黨臂助黨中如韓絳呂惠卿之屬均非有政治上之才具及道德惟以權利為目標

用是海內騷然物情惶駭而同時又銳意外征始與夏人開釁用兵無功復失地七

百里於遼惟南擊交趾及蠻峒四川兩湖間之苗頗獲勝利而功不補患國力日疲神宗因

憂憤而卒哲宗初年由太皇太后高氏聽政相司馬光罷一切新法新黨側目日思

乘間抵隙而諸人不悟方各立門戶以相攻有蜀黨蘇軾為首洛黨程頤為首朔黨劉摯王巖

之目及太皇太后卒哲宗親政章惇入相引蔡卞等居要地復行新政因罪元祐宗哲

未親政時年號諸臣是為紹聖哲宗親政後年號之紹述徽宗繼之初由太后向氏同聽政欲以大

紹聖之紹述

公至正消釋朋黨未幾太后卒蔡京入相專任新黨立黨人碑以罪舊臣是為崇寧

徽宗年號之紹述。京又導帝興土木，求神仙，民力凋耗，亂者四起，邊患踵興，遂為北宋衰亡之本。

第三節 金之崛起及遼與北宋之淪亡

金之起原

宋金攻遼之約

遼亡

金之先出於靺鞨。粟末靺鞨之後為渤海。方其盛時，黑水靺鞨附焉。及遼滅渤海，黑水為遼屬部，濱混同江而居。在江之南者，入契丹籍，號熟女真。居江之東北者，亦受契丹羈縻，號生女真。生女真中有完顏部者，部酋烏古迺受遼命為生女真節度使。兵漸強，再傳至阿骨打，苦遼凌暴，始背遼，稱帝國，號金。是為金太祖。時遼主延禧在位。遼天祚皇帝不恤國政，金屢舉兵侵之，境內郡縣已失大半。而延禧猶畋遊不息，會宋臣童貫、新勝吐蕃用燕人馬植之說，約金滅遼。金兵連陷上京。巴林東北中京。略明沙左翼遂延禧而耶律淳新稱帝。南京。即燕京起兵拒宋。童貫不能勝，仍乞援於金。及金帥至，而遼室遂亡。遼自耶律阿保機稱帝，至是凡二百有十年。耶律大石西走，稱帝於別喇薩軍。城名在今蒙古中央亞細亞七河省界內復三傳為乃蠻。在阿爾泰山一帶所併方宋金之訂約滅遼也。原議金取中京，宋取燕京。事成則以石晉賂契丹地歸宋，而

宋金失和

北宋亡

以贈遼之幣與金。厥後宋師屢失期。燕京卒以金力下。於是宋更納燕京代稅錢百萬。金始以燕京與宋。然金帛子女皆爲金人所掠。宋得空城而已。宋幾金人又以宋納叛人。遣粘沒喝斡離不分道南下。徽宗以寇氛日迫。禪位欽宗。乃奉贄稱姪。許割中山直隸定縣太原省山西河間直隸河間三鎮。金軍乃還已而宋不與金地。金軍遂長驅入汴。執二帝北去。北宋自太祖受禪。至是凡百六十有八年。時民國前七百八十六年也。

北宋世系表 按太宗元年即太祖十七年

一(一)太祖匡胤一七年

一(三)真宗恆一五年
一(四)仁宗禎四一年

一(二)太宗光義一二年
一商恭靖王元汾一濮安懿王允讓一(五)英宗曙一四年

一(七)哲宗煦一五年

一(六)神宗頊一八年

一(八)徽宗佶一五年
一(九)欽宗桓二年

附 遼世系表 按遼之繼位多不踰年而改元如世宗因天祚尙在故不列入道宗天祚均是耶律淳原每天錫帝因天祚尙在故不列入

遼(一)太祖阿保機

一二年

(二)太宗德光

二二年

(四)穆宗述律

原名一八年

東丹王圖欲

(三)世宗兀欲

原名五年

(五)景宗賢

一五年

(六)聖宗隆緒

四九年

(七)興宗宗眞

二五年

(八)道宗洪基

四七年

太子溶(九)天祚帝延禧 五年

第七章 南宋始末

第一節 南宋偏安及金人之交涉

徽欽之北去也。金人因立張邦昌爲楚帝。宋人不服。奉徽宗子康王卽位於應天。

南宋高宗之偏安

善汪伯彥迎帝旨。勸幸揚州。又以金師之逼。山揚州而鎮江。而臨安。

而明州。而溫州。車駕日南。寇氛益熾。會金軍以太宗有疾北還。帝再入

臨安。始定偏安之局。張浚、岳飛、韓世忠輩同心戮力。連破金軍。時秦檜當國。力主和。


貶竄諸將。構殺岳飛。遂定和議。奉表稱臣。又割唐、鄧、商、秦之地。

南宋與金第一次和約

南宋與金
第二次和約

南宋與金
第三次和約

以界之。是時金多內訌。不暇南伐。南北無事者十餘年。其後金又南侵。和議久不成。帝因禪位於孝宗。孝宗即位。首召張浚入朝。方圖恢復。遣李顯忠、邵宏淵分道出師。至符離安湖而潰。湯思退復上利與金約為叔姪國。改詔表為國書。於是兩國復通好。帝萬幾之暇。不忘武備。惟敵國無釁。保境息民而已。兩傳至寧宗。韓侂胄當國。竄賢相趙汝愚。又日朱熹、彭龜年等為偽學。籍而斥之。於是僉人競進。鷹犬滿朝。有勸侂胄立不世之功。以自固者。伐金之議遂起。然出師不利。金兵連陷蜀、漢、荆、襄、兩淮諸郡縣。



岳 飛 墓

東南大震。金人索禍首。寧宗不得已。誅侂冑。函首畀金。和議乃成。

第二節 蒙古之興及夏金之淪亡

蒙古起原

蒙古本室韋之一部。初據克魯斡斡難兩河流域。外蒙古車臣汗部。爲遊牧種人。世爲遼金

所羈屬。及部酋合不勒。始立國。號蒙古。三傳至鐵木真。有雄略。西破蔑里乞。在色楞格

河東滅塔塔兒。在興安南平克烈。在斡里更西克乃蠻。當宋寧宗時。鐵木真遂稱

鐵木真武功

帝於斡難河。諸王上尊號曰成吉思汗。是爲元太祖。會西夏有內亂。鐵木真遣兵襲

破之。又併畏吾兒。在斯羅遂南下侵金。時金主永濟在位。以柔弱失將士心。國勢日

蹙。永濟旋遇弒。別立宣宗。蒙古分三道進兵。破九十餘郡。金人畏逼。遷都汴。蒙古遂

南下。破燕京。得遼宗族耶律楚材。軍國大政多所贊畫。因復遣兵南下。金主日蹙。秦

夏亡

隴燕雲。皆不復爲金。有自是西方諸國如花刺子模。裏海以東阿母河以西一帶地如欽察。高加索

亦皆爲蒙古所取。蒙古疆域已跨歐亞兩洲。旋滅夏。凡一百九十四年而亡。鐵木

真以攻城受創。未幾亦卒。窩闊台爲諸王所推。卽帝位。是爲元太宗。遣使來宋。議攻

金。理宗允之。約共擊汴京。事成後以河南地歸宋。已而哀宗走蔡州。河南汝南汴京遂下。

南宋與蒙古攻金之約

金亡

金太子及皇后皆被虜。宋軍蒙古軍合圍蔡州。無何城陷。哀宗自殺。金凡百十七年而亡。由是南宋與蒙古為鄰國。

第三節 蒙古之兵威遠


震及南宋淪

亡

窩闊台武功

蒙哥武功

窩闊台既滅金。又東滅高麗。乃遣拔都西征阿羅斯。即今俄羅斯陷莫斯科。部俄孫匈牙利與地利波蘭諸國先後被兵。全歐大震。窩闊台兩傳至蒙哥。是為元憲宗。復遣忽必烈伐大理。南雲吐蕃。兀良哈台。平交趾。旭烈兀進取波斯。及小亞細亞。國勢益張。先是南宋當金亡時。收取淮



南宋與蒙古之和約

元世祖侵宋

南宋亡

北地趙范趙葵欲乘時撫定中原出兵略取汴京洛陽蒙古聞之引兵南下兩國和好遂絕賴孟珙收復襄陽進圖巴蜀牽率蒙古南下之勢杜果爲淮西帥亦悉力拒守淮右粗安故宋得支柱危局及是蒙哥欲大舉滅宋親率兵至合州四川不克而卒時忽必烈攻鄂湖北急丞相賈似道督師援鄂稱臣納幣割地請租忽必烈聞蒙哥卒耗乃許之而急回國卽帝位是爲元世祖祖既立遣使徵和議而似道方以解鄂圍奏大捷乃囚蒙古使不令理宗知無何理宗卒度宗立似道益專政蒙古以宋負前約出師益亟似道道遙湖上襄陽湖北被圍凡三年專事蒙蔽不令度宗知無何襄陽破時蒙古已更號爲元元將伯顏引兵渡江進陷臨安執度宗子恭帝北去端宗卽位於福州福建省治元兵追迫崩於嶺南帝昺卽位於崖山島名在廣東新會文天祥被執張世傑兵潰陸秀夫因負帝赴海天祥後至燕京不屈死世傑謀至安南別圖恢復舟覆死宋室遂亡南宋自高宗卽位至是凡歷百五十三年合北宋共歷三百二十年實民國前六百三十三年也

南宋世系表

按高宗元年卽北宋欽宗二年恭帝二年
 年卽端宗元年帝昺元年卽端宗三年

宋太祖 燕王德昭 冀王惟吉 廬江侯守度 嘉國公世括

秦王德芳 英國公惟憲 新興侯從郁 華陰侯世將

慶國公令繪 秀安僖王子偁

(一)高宗構徽宗子 三六年 (二)孝宗璋二七年 (三)光宗惇五年 (四)寧宗擴三〇年

房國公令稼 修武郎子爽 贈太師益國公伯作 贈太師越國公師雅

榮王希瓚 (五)理宗昀四〇年 (八)端宗昀三年

福王與芮 (六)度宗禔一〇年 (七)恭帝昀二年

(九)帝昀二年

附 金世系表 按金之繼位多不踰年而改元 如太宗廢帝亮世宗宣宗皆是

宗峻 (二)熙宗亶一四年

金(一)太祖阿骨打九年 宗幹 (四)廢帝亮一三年 太子允恭 (六)章宗璋一九

(二)太宗吳乞買一三年 宗輔 (五)世宗雍二九年 (七)廢帝允濟五年

(八)宣宗珣一二年 (九)哀宗守緒一二年

附 夏世系表 按惠宗十九年即崇宗元年 襄宗六年即神宗元年

(一)景宗元昊 一七年 (二)毅宗諒祚 二〇年 (三)惠宗秉常 一九年 (四)崇宗乾順 五二年

(五)仁宗仁孝 五五年 (六)桓宗純祐 二二年

越王仁友 (七)襄宗安全 六年

某—彥宗—(八)神宗遵頊 二年

(九)獻宗德旺 三年

某—(十)南平王昉 一年

第八章 元始末

第一節 元之盛世及其亂源

世祖既滅宋定都燕京稱大都會除領有中國全部指現時全疆外伊兒阿母河外亞西欽察東白吉利吉思荒原西至匈察合台錫爾河外天山附窩闊台阿爾泰山附近四汗國於名義上均歸統御又東服高麗南破交趾降緬甸臣占城南南洋諸國

元世祖武功帝位之闕爭

蒙古大汗之繼承大會

阿里不哥之亂

海都之亂

世祖失政

成宗之守

威來朝貢版圖之廣聲威之盛古今無兩惟征爪哇及日本未能如志而內部復起有帝位之鬭爭

先是蒙古定制凡蒙古大汗帝即皇傳嬪之交必由諸王族諸將及蒙古所屬諸部會

長諸國君王等開繼承大會名為庫里爾泰公推堪繼承者嗣位世祖之立也未經

大會推戴於是阿里不哥別開大會於科林在今外蒙古三音諾顏境蒙古初都此稱大汗旋為世祖

所擊降欽察察合台窩闊台三汗國諸王復開大會於怛邏斯河即上河在今外蒙古

推海都為大汗與元相抗獨伊兒汗奉朝命三汗國侵犯不已伊兒不能支世祖遣

伯顏破之而海都方與滿洲諸汗同盟為夾擊中原計屢討不平蒙古於是肇崩裂

矣

世祖以連年征戰國用不支用回紇人阿合馬專理財賦擢登相位盧世榮桑哥繼之三人當國凡三十餘年斂財賈怨海內騷然遂胎禍亂

第二節 元之衰亂及順帝北去

成宗嗣世祖而立憂惜民力一征緬甸遂不復用兵問民疾苦薄賦省刑史稱守成

順帝時之大亂

元室亂亡之本

令主武宗繼之。當成宗時。嘗率兵破走海都。及卽位。又破海都子察八兒。內亂粗解。而沈酣荒逸。寵任番僧及宦豎。善政鮮聞。仁宗革除弊政。頗能守法。惟鐵木迭兒專橫。帝不能去。至英宗。遂爲鐵木迭兒黨所弑。嗣是數帝均不永年。迨順帝卽位。紀綱益壞。大亂遂起。

先是世祖旣以聚斂苦民生。又信奉喇嘛尊八思巴爲帝師。歷代帝后俱就帝師受佛戒。供養之費不可勝計。姦民附勢。遁法逋租二者均元室亂亡之本。順帝尤耽淫樂。信奉番僧。於是威令不行。亂機環湧。方國珍起慶元。浙江鄞縣韓山童起欒城。直隸城

勢均猖獗。山童敗其部將劉福通。又奉其子林兒據亳州。河南高郵國號宋。徐壽輝據湖

廣國號天完。張士誠據高郵。江蘇高郵國號大周。帝初命脫脫總制諸路軍馬討賊有功。

旋聽哈麻讒。削脫脫官爵。代將者多庸才。賊遂不可制。已而天完將陳友諒殺徐壽

輝。自立稱漢帝。壽輝部將明玉珍因據四川。國號大夏。其餘僭據一方。倏起倏滅者。

尤不可勝數。而濠安徽人朱元璋亦起於此時。帝在位日久。不恤國事。又爲權奸所

蔽。將帥不和。名將如擴廓帖木兒。曾擊平山東河南諸賊。顧與李思齊張良弼諸將

順帝北去

元亡

相齟齬帝調和無效內鬩益烈於是東南無重兵。朱元璋時已開國稱吳王遂乘機擊破陳友諒張士誠方國珍輩已而稱帝國號明是為明太祖乃分兵南略閩廣遣徐達常遇春進逼元都擴廓自晉寧山西臨汾退守太原山西晉治順帝以明兵日逼率后妃北走元自太祖稱帝至是凡一百五十八年其入主中原成統一之勢凡八十九年時民國前五百四十四年也。

元世系表

按明宗二年即秦定帝五年

朮赤

察合台

太宗窩闊台一三年

乃馬真氏四年

定宗貴由二年

(一)太祖鐵木真

二三年

后幹兀立海迷失抱太祖孫失烈門聽政三年

拖雷

(四)憲宗蒙哥九年

答剌麻八剌

(五)世祖忽必烈三一年

太子真金

甘麻刺 (十)泰定帝也孫鐵木兒

五年天順帝

(六)成宗鐵木耳一三年

〔七〕武宗海山四年

〔十一〕明宗和世竦二年

〔十三〕寧宗懿璘質班不踰年

〔十二〕文宗圖帖睦爾三年 〔十四〕順帝安歡帖睦爾三年

〔八〕仁宗愛育黎拔力八達九年 〔九〕英宗碩德八剌三年

第九章 中古之政制

南朝官制大略因晉而損益之。無大差異。北朝後魏。酷慕華風。官制與南朝相仿。北齊因之。北周酌周禮之文。建六官之職。隋廢周官。還依漢魏。唐因隋制。以尙書中書門下三省掌國政。迨玄宗。以尙書省統衆務。下設吏戶禮兵刑工之六部。天下實權歸於尙書。及代宗。設樞密使。以任宦官。德宗更置中尉使。掌禁軍宰相之權。又由尙書移歸內寺。實爲厲階。而外官又有節度使之設。握軍政財政兩大權。亦貽禍本。宋代削小節度使權限。餘沿唐舊元。以中書省總政務。樞密院秉兵柄。御史臺司黜陟。其後因事增置。於諸路有行省行院行臺。餘多師宋。惟長長例用蒙古人。則其蔽也。南北朝均沿魏晉。中正之弊。南朝至梁始革。州置州重。郡置郡崇。鄉置鄉豪。專典搜

田賦

薦無復膏粱寒素之分。北朝至周亦懲魏齊之失罷門資之制。凡所察舉號稱得人。隋唐兩朝概以詩賦取士。唐有秀才進士明經等科目爲歲舉常選。又有制舉以待非常之才。宋制與唐略同。神宗曾罷詩賦試經義。後分詩賦經義爲兩科。元代仕進多歧不必盡由科舉。宿衛勳臣公卿世族循資敍蔭皆可得官。下至捕盜序銓入粟階進吏道雜而多端。爲時詬病。南朝田制不盡可徵。北朝自後魏均田爲北齊北周所則。倣隋唐亦然。唐代給田因寬鄉狹鄉有丁男篤疾廢疾寡妻妾之區別。迨玄宗時均田之法漸廢。後遂不復。至於常賦唐初原有租庸調。有田則有租。租出粟。僭有丁則有庸。庸供力役。有戶則有調。調視土產出絹綾布麻。安史亂後人口凋耗版籍空虛。富人多丁者以宦學釋老得免。貧人無所入則丁存故課免於上。賦增於下。楊炎相德宗乃廢租庸調之制。作兩稅法。分夏秋輸納。凡百役之費先度其數而賦於人。量出制入。戶無主客以見居爲簿。人無丁中以貧富爲差。天下稱便。宋代因之。元則用兩稅法於江南。用租庸調於內郡。

宋文帝雅好藝文。立玄史文儒四學。魏孝文帝崇先聖之制。立國子太學。四門小學。南北朝之文化。當以兩帝時為最盛。隋代學多廢闕。至唐乃昌。唐以國子學、太學、四門學、律學、書學、算學、隸國子監。其不隸國子監者。則有弘文館、崇文館。而諸州縣鄉亦皆有學。凡所成就。與選舉並行。學風頗振。太宗時高麗、百濟、新羅、高昌吐蕃諸國俱遣子弟請入國學生。徒至八千餘人。及中葉以後。士夫多由科舉。而學校之制漸廢。宋設太學三舍之法。學生由外舍升內舍。內舍升上舍。又有律算書畫醫等學。規制綦詳。其由士夫建立者。以白鹿洞在江西星子縣北、石鼓山名在湖南衡山縣北、應天河南商邱、嶽麓山名在湖南善化縣西四書院為著。教養之規遠過有司。所建厥後此風盛行。所在多有書院。至元不廢。元起漢北除京師。設立國子學。外復有蒙古國子學。回回國子學。教蒙回文字。

南北朝之刑制。至為糾紛。宋有黥刑等肉刑。北齊用轆車裂。北周磔殺。裂。均屬非刑。唐

因隋制定十二律。名例衛禁賊捕戶婚廢庫擅典賊盜賊議詐偽雜律捕亡斷獄刑凡五等。笞杖徒流死是也。死刑

有二。曰斬曰絞。而蠲除前代鞭刑及梟首轆裂之法。為刑法上一大進化。宋元因之。

兵制

惟宋於五刑外有刺配法黥其面而有發配之也有凌遲極刑頗為失政

北齊寓兵於農十八受田二十充兵六十免役頗合古意北周建百府分屬二十四

軍為府兵之嚆矢隋唐因之唐分天下為十道置府六百三十四而關內道置二百

六十一所以重內而輕外也府有上中下三等之別皆更番宿衛京師高宗武后時

天下久不用兵番上制寢壞玄宗乃募士宿衛號曰彍騎天寶玄宗後中以後彍騎

又蕩廢無用精兵悉萃於藩鎮為大亂根源其餘禍波及於五代至宋始革宋有禁

兵守京廂兵使供役鄉兵防守民間番兵守禦邊徼之設西夏叛時募兵過多為國蠹王安石

改行保甲保馬法冀成通國皆兵之制惜乎行之不善轉以禍國元立五衛左右前

及諸軍衛初有蒙古軍探馬赤軍諸部族既平中原始有漢軍又有遼東之亂軍契

丹軍女真軍高麗軍雲南之寸白軍福建之畚讀如軍係就地徵集復有礮軍弩

軍水手軍則各以技名而馬政屯田展齊驛名之諸制凡與兵相輔而善者亦復綱

舉日張有條不紊此元代兵威之所由遠暢也歟

第十章 中古之學術

本期承兩漢尊崇儒術之遺。百家不振。儒家遂為單獨之進行。在前為經學。而在後為理學。

北朝經學之盛。遠過南朝。蓋以東漢鄭玄北海人。地當今山東益都。及其他經師多產北方。故流

風遂暢。後魏徐遵明為鄭學派之鉅子。博通諸經。尤精三禮。門下多通儒。迨及隋唐。

薪傳未艾。唐代有五經正義為孔穎達等所撰。說經者類不出其範圍。用是經學之

進步絕眇。沿至宋代。乃一脫攷據訓詁之窠臼。而為微言大義之研求。於是理學以

起。

宋代理學蓋以孔孟之根柢。參佛老之精華。為一種極有研究之哲學。其最著者為

濂洛關閩四派。即濂溪水名。在今湖南澧縣西。周敦頤。洛陽程灝。程頤。關中長安。張載。閩中建陽。朱

熹。是也。熹最晚出。集理學之大成。同時有陸九淵。九齡兄弟。與熹議論多牴牾。熹重

道。問學陸。重尊德性。後人遂有朱陸異同之說。實則殊途同歸。原無二理。至元時復

有許衡。姚樞等之傳。竊宗傳不墜。

宋范曄作後漢書。追蹤馬班。與晉陳壽之三國志同稱良史。唐代編纂前史。自晉歷


南北朝至隋。正史咸備。當時史識。羣推劉知幾。所撰史通。立新說。創奇見。卓有可觀。由唐以來。五代宋元。代有作者。而以宋歐陽修之新五代史。最稱精善。宋代史才。疊出。撰纂如林。除正史外。若編年體。則以司馬光之資治通鑑為首。事實精確。文辭謹嚴。其後朱熹作通鑑綱目。仿春秋之意。略寓褒貶。亦為世重。紀事本末體。則以袁樞之通鑑紀事本末為首。標題摘事源委。貫通徐夢莘之三朝北盟會編。繼之此外。則馬貴與之通考。鄭樵之通志。對於制度文物之沿革。羅列綦詳。與唐杜佑之通典。並稱傑作。

文學

音學

南朝文學。遠勝北朝。精駢儷。諧聲韻。世以宋梁齊陳。文與吳晉。間之作者。統稱為六朝文。惟為一種。美術文字。實用蓋渺。梁沈約創平上去入之四聲。與晉時由西域流傳之反切。以兩字約一音。以一四字顯一音。同為音學所自。昉而四聲遂為聲律文之標準。唐宋元之詩賦詞曲。均嚴守之。唐代詩家。以李白杜甫為最駢文家。以王勃楊炯盧照駱賓王為最。古文家。以韓愈柳宗元為最。各擅勝場。宋代詩文。兼盛。文推歐陽蘇軾蘇轍曾鞏。王安石詩推蘇軾黃庭堅范成大陸游。陸當宋室南遷。多為發揚蹈厲之音。以振發聳聵。

尤得古者詩。可。以興之。遺意詞。以五代。間之南。唐李煜。最爲哀。豔宋之。詩文家。類兼工。之南宋。岳飛。以。



宋 仁 飛 白 書

名將好倚聲。沉雄激越。至今猶想見其愛國之血忱焉。宋元之交。因詞餘之遞嬗。復有劇曲之傳布。元曲分南北兩派。北曲推王實甫之西廂記。南曲推高則誠之琵琶記。皆千古絕唱。而同時又有小說家之羅定施耐庵。羅作三國演義。施作水滸傳。影響於我國中下社會之心理。勢力極為雄大。

美術學書法

南朝書法。傳者甚多。王僧虔。陶宏景。輩尤稱精絕。北朝以蒼古勝。所傳碑版。類不詳作者姓名。至於有唐。若虞世南之秀逸。褚遂良之蕭散。歐陽詢之妍緊。顏真卿之遒勁。張旭之縱橫。衆美畢備。宋代諸帝多好臨池。遂成風尚。蘇軾。黃庭。米芾。蔡襄。並稱大家。元推趙孟頫。鮮于樞。流風未沫。

繪畫

南朝畫手。陸探微。張僧繇。父子並擅盛名。唐分南北二宗。北宗以李思訓之金碧山水為祖。南宗以王維之破墨山水為祖。宋代董源。兼李王之妙。與李成。范寬。齊名。嗣推蘇軾。米芾。元初推趙孟頫。高克恭。恭。私淑米董。山水特工。後有黃公望。與王蒙。倪瓚。吳鎮。號元末四大家。

曆算

南朝之宋人何承天。及隋人劉焯。皆祖晉虞喜。歲差之說。而加之修正。唐僧一行。成

大衍曆議李淳風推步天曆算均特有發明自宋以來士夫困於性理罕研實學然如張思齊之渾天儀爲樓閣三層高丈餘中有輪軸數水具運輪及元李冲之測圓海鏡秦九韶之數術大略皆於斯學有心得焉

第十一章 中古之宗教


道教自後魏寇謙之立天師道場創齋醮符呪金丹玉漿等法於是宗教上之儀式乃漸完備唐奉老子爲祖宋奉天尊趙玄朗爲祖以牽合國姓上之關係勢力驟增而宋初又有道家之鉅子陳搏嘗著太極圖數傳得名儒周敦頤大成其學遂爲有宋一代理學之先河太宗至尊搏爲希夷先生實則搏之所傳爲一種精微之哲學與世俗所迷信之教派蓋絕不相蒙然自是此教遂大增聲價徽宗之世置道官立道士學修道史給道士俸備致尊崇金人南下遂就式微至元不振

南北朝名僧輩出梁武魏文並崇佛教梵宇林立經典碁布唐僧玄奘歷遊五印度齋還經論六百五十餘部太宗高宗皆尊信之武后臨朝作寺度僧歲無虛日宗風益暢惟先後曾經三武之禍卽魏太武周武帝唐武宗均痛抑佛教是也唐宋之交

中經喪亂。雖佛禁已除。而僧徒蓋少。宋太祖始修廢寺。度僧尼。遣僧西行。鐫版刊經。勢乃漸熾。仁宗哲宗之世。高僧疊起。縉紳學士。皆樂與遊。故有宋理學受佛教之影響者不少。且益助佛教之流布。焉南遷而後。國用不足。稅及僧侶。徒衆乃稀。元代佛勢頗增。惟所奉爲佛教中之喇嘛教。

喇嘛

喇嘛教初自印度傳入吐蕃。其教旨重禁呪祈禱。許畜妻子。後以勢盛干涉政治。教主威令。行於全土。元世祖征定吐蕃。以喇嘛八思巴歸。尊爲帝師。自是其徒嗣者。咸稱帝師帝



景教
祆教
摩尼教

基督教

回教

人民氣質

師命全許與詔敕並行。歷代帝后俱就帝師受佛戒。國家既疲於供養。姦民復從而附之。遂爲亡元之本。

景教爲基督教之支流。乃司脫利安所創。初盛行於波斯。以唐時流行於中國。其勢甚盛。諸州多立有景寺。同時又有祆教一名拜火教。摩尼教基督旨折衷於祆教。亦自波斯傳入。武宗時與佛教同見廢。元代信教自由。以威震歐洲。故羅馬法王及法蘭西王俱遣使東來。皆基督教徒也。元室就衰。東西之交通中絕。其教之行於吾國者。乃漸衰廢云。

回教爲謨罕默德所創。亦以唐時入中國。行於南部沿海之地。宋時復由西亞流行西域。元代始盛行東方。其教徒多西域人。時稱西域爲回回。因以名教。凡進士賜出身者。須別通回回教。則其勢力之盛可知。

第十二章 中古之風俗

南朝文勝。北朝武勝。各成風尚。隋代統一。南北民氣。因以調和。唐代文治武功。震耀寰宇。人民樸茂。有周漢遺風。五代之際。干戈擾攘。人皆救死不給。遂致禮樂崩壞。廉

人民階級

恥道喪。有宋既興。偃武修文。粗獷之民。漸知禮讓。而程朱之學。浸灌流行。於是當世多謹飭之士。而漸流文弱。大爲北方諸族所困。元俗勇悍。自主中國。亦趨靡弱矣。南北朝承東晉之風。門閥最盛。唐代因之。至五代而始革。椎埋屠狗之人。皆可徒手以取卿相。宋代尊崇道德。朝登庸於廊廟。夕講學於山林。習爲故常。無復崖岸。元主中國。始分國人爲蒙古色目。漢人南人之四類。加以番僧橫恣。有若印度。中古時之婆羅門階級。既多立遭顛覆。

婚姻

南朝姻婭。例重衣冠。齊時東海江蘇王源。嫁女與富陽浙江滿氏。卽遭彈劾。則爾時婚姻之障礙。可知。入宋以來。門閥既除。士夫相攸。漸崇賢德。嫁娶競財。引爲深戒。不可謂非風俗上之一進步。金元起自邊裔。初無禮教。金太宗曾禁繼父繼母之男女。無相嫁娶。元順帝曾禁色目人勿妻其叔母。蓋鑒於其弊。而漸爲防制云。

第十三章 中古之社會

南北朝以來。歷隋唐宋三朝。均以水利爲農田之要務。隋開運河。一時人民雖爲力役所困。而於農業實蒙莫大之利益。唐代漕粟。賴以流通。宋太宗於河北諸州興水

農業

利。築隄堰六百里。置斗門灌漑。神宗詔諸路監司興水利於各州縣。計興修至一萬

七百九十三處之多。時江東水鄉築隄堰於

河之兩涯。而田其中。謂之圩田。內以圍田。外

以防。水沿隄通斗門。每門疏港以漑田。有豐

年而無水。患厥利甚溥。而田數大增。至今利

賴。

瓷器爲我國特產之一。始自有唐。後有柴汝

官哥定龍泉均州章生烏泥宣城等窯。厥類


日衆。顧皆視同珍玩。非常御之品。至宋景德

鎮在今江西浮梁西南窯興。於是瓷器遂爲日用必需

之品矣。至關於武器之製造。宋元之交亦頗

進步。若金元之戰。及宋元之戰。內有震天雷者。爲一種礮火之名。則用礮以爲攻擊

具。其法已傳元時。特置有礮軍。其明證也。



宋 代 瓷 鼎

隋代西域諸胡商多至張掖。張掖甘肅互市。唐於京師置市令官。掌百族交易。邊境置諸

互市。監掌中外交易。是時唐之版圖已擴於西方。蕃客往來日衆。就中若阿刺比亞

今阿刺伯人以唐初來廣東。乍浦。鎮名在浙江平潮東南寧波。浙江鄞縣福州。福建省治等地通商。唐高祖因

遣使修好。阿刺比亞王亦遣使入朝。可知爾時交易之發達。宋時特於廣州。廣東省治泉

州。福建省治杭州。浙江省治諸港置提舉市舶官。徵收船舶貨物之稅。爲歲入大宗。國貨之輸

出者以銅與陶瓷織物爲最盛。元代擴地既廣。又行獎商政策。其征商有雙抽單抽

之制。以雙抽稅番貨。單抽稅土貨。藉以鼓舞內地之商人。時國師遠發海道。大開外

商。輻輳於商業上。頗臻進步。

南朝有四銖二銖及兩柱鷓眼等錢。北朝通行五銖錢。而北周河西諸郡。今甘肅一帶多

用西域金銀錢。唐鑄錢名元寶。宋代因之。元鑄銀錠名元寶。後世亦沿用之。而宋元

交鈔爲中國通行紙幣之濫觴。元初於各路立平準行用庫。以金紙相交換。且立回

易庫。許故鈔與新鈔交換。又丁錢田錢皆許納鈔。由是天下盛行。厥後以鈔法漸壞。

僞製浸多。遂生財政上之困難。

製衣原料。麻絲之外。又有木棉。種出南番。相傳元時始入中國。然通鑑載梁武帝送木棉皂帳。唐李商隱詩。又有木棉花發鷓鴣飛之句。則非起自元時可知。至於衣服之制。自南北朝。以至唐宋。通用漢服。後魏向用胡服。李文時改漢服。隋時天子衣黃貴者朱紫。平民白衣。奴隸衣皂。用示等威。唐宋因之。遼金元皆胡服。而以花紋分品官等第焉。

隋造龍舟。窮極巨麗。無當實用。宋時洞庭湖賊楊么。四輪激戰。船行如飛。又王彥恢製飛虎戰艦。旁設四輪。每輪八機。四人旋轉。日行千里。實爲我國行船用輪之始。惜其法不傳。元恃漕舫行運河。海舟行外海。爲漕運利器。至車輿新製。宋時更有指南車及記里鼓車之設。頗具巧思。

